

Invitacion pa Short

Film Night

21 di Augustus
na MFA Paradera

22 di Augustus
na MFA Noord

23 di Augustus
na MFA Savaneta

7:00 pm - 9:00 pm



Diamars 21 di Augustus 2018

E-mail di redaccion: solodipueblo@gmail.com

Prijs: Afl. 1.65 + 0.10 (bbo, bazv, bavp) = Afl. 1.75

URATACA CENTER

Awe 21 di Augustus

Chicken Alfredo pasta,
Garlic bread y berdura

585 5212

MINISTER Y HEFE DI ADUANA A TUMA DECISION UNILATERAL PA CORTA E TURNO DI MARDUGA DI 12-8



Parlamentario di MEP, sr. ROCCO TJON:

**Incomprendibel y
inacceptabel cu
Hulanda no ta brinda
asistencia pa investiga
caso di corrupcion!**

Diego de Cuba di STA:

**Management team di
Guarda Nos Costa lo bay
atende e ilegalidad cu
man basta fuerte!**

Aruba One Happy Island Lions Club cu beach cleanup



Na Seroe Pita:

Polis a acudi pa un problema familiar y a detene un dama pa maltrato



Diabierna algo pasa di 6'or di atardi varios patruya di Santa Cruz a wordo manda cu urgencia na un adres na Seroe Pita. Esaki pa motibo di un conocir di nan di inicial R.G. lo a bay haci problema na e cas aki y asina a start un bringamento.

Na yegada e patruya di polis a wordo manda na un otro adres, un cas hopi cerca, unda e conocir di nan R.G. ta biba. R.G. tabata hopi altera y el'a bisa polis cu el'a perde su trabao pa motibo cu el'a keda deteni algun dia pasa. Polis a papia cune y a trankiliz'e.

Despues polis a bin compronde cu e ruman muher di e R.G. a bay na e cas aki y a bay haci problema. Mesora polis a bay bek na e adres caminda nan a bay prome pa scucha e habitantenan nan banda tambe.

Despues cu e agentenan a scucha cu e ruman muher di R.G. a maltrata un dama na e cas aki, mesora nan a pidi pa un patruya mas na e sitio pa asisti nan, pa

asina nan por detene e ruman muher di R.G.

E dama mes a sali pafor y a keda deteni pa maltrata un otro dama. Na momento cu polis a detene su ruman muher, R.G. a keda haci fastioso y tabata basta altera. Polis a hala su atencion y a bis'e, cu si nan mester haya mas yamada y keho di su comportacion, nan lo bin bek p'e.

E dama a wordo transporta cu transportwagen di polis pa Warda di polis na Santa Cruz.

Comision Accion Stop Abuso:

Comision a lanta para pa bisa BASTA na abuso y violencia domestico

Dia 30 di Augustus lo tin un podium den centro di ciudad y artistanan ta uni forza contra violencia!

Diabierna atardi Minister di Asuntonan Social y Labor a reuni cu e comision CASA (Comision Accion Stop Abuso) kende hunto cu diferente fundacion y personanan preocupa den nos comunidad a lanta para pa bisa BASTA na abuso, basta na Violencia Domestico.

Sr. Marinus Wegereef ta e vocero di e grupo di ciudadanonan cu kier mira abuso bira menos y tambe caba riba Aruba. Manera a bisa publicamente caba e comision kier bin cu accion pa muestra nan descontento.

Riba dia 30 di Augustus lo tin un podium ta lanta den centro di nos ciudad y Artistanan Uni di Aruba lo uni forza contra violencia di genero.

Minister Glember Croes a duna di conoce cu e ta apoya accionnan cu ta sali directamente for di pueblo. No importando bo edad, bo nacionalidad, bo color, bo funcion den nos comunidad! Aruba ta uni su mes for once and for all contra e crimen aki.

Problema cu cabrito na San Nicolas atrobe

Diahuebs den oranan di mainta tabata tin un incidente atrobe cu cabritonan cu tabata causa molester den Bernhardstraat. E homber di inicial G. a yega Warda di Polis San Nicolas pa informa nan di problema cu e tin cu cabritonan cu ta cana los riba caya. E cabritonan aki ta pertenece na J.M., kende ta biba den Cayenastraat. Segun G., e cabritonan aki ta causa daño na su auto particular y ya el'a haci cinco (5) denuncia caba di destruccion di su auto. Tur dia e ta mira e cabritonan aki ta cana riba Bernhardstraat y den vecindario.

A haci un investigacion cu Sta. Rosa y Servicio Veterinario di e situacion aki. Y nan a bisa lo siguiente: Mester wanta e cabritonan ora cu nan subi un tereno priva; yama Polis pa traha un procesverbaal di loke a pasa; despues e denunciante mes mester transporta e cabritonan pa Servicio Veterinario na Barcadera. Si e doño no busca e cabritonan den un periodo di tres (3) dia, e instancianan concerni lo tuma e medidanan necesario. Wachtcommandant y Recherche San Nicolas a wordo poni na altura di e situacion aki.

Minister Bikker den reunion cu personal di Guarda Nos Costa:

Personal di Guarda Nos Costa a keda satisfecho cu e atencion di Minister di Husticia pa loke ta nan preocupacionnan



Ayer a tuma lugar un reunion entre e personal di Guarda Nos Costa y Minister di Husticia, Andin Bikker. Esaki tabata riba peticion di e personal mes, unda cu Trudy Hasell a acerca e mandatario pa por reuni cu e

personal, cual el'a acepta. Pa l'or di merdia e reunion aki a cuminsa.

Segun sra. Hasell di Guarda Nos Costa, durante e reunion varios pregunta a wordo haci na e minister, pa asina haya

informacion. Tambe nana por a expresa nan preocupacion riba diferente topico. Por bisa cu intercambio a bay fantastico. E personal a keda satisfecho cu e contestanan di e mandatario. E union entre e personal tambe a resalta durante di e meeting aki, cual ta sumamente importante pa e managementteam, pa esaki tuma lugar. Na final, por a conclui cu esaki ta un reunion cu segun Hasell, a habri caminda pa asina no solamente Guarda Nos Costa, pero Inmigracion en general y esaki ta IASA, pa asina tur hunto uni, sigui haci trabaonan manera ley ta prescribi pa wordo haci.

E reunion a bay bon y tabata den un bon ambiente. Cierito

asuntonan cu tin cu wordo adresa ainda, lo haya nan debido atencion.

Sra. Hasell a sigui splica cu Guarda Nos Costa ta un grupo di hende pa eherce nan trabao. Hopi hende no sa esey, pero nan ta cualifica pa e trabao cu nan ta haci y tambe awor aki ta para dilanti di un era nobo di Guarda Nos Costa, caminda cu hunto, cu e personal uni, ta bay subi caya cu un meta. E meta ey ta pa bienestar di Aruba. Pesey Guarda Nos Costa a wordo lanta na 2002 y awor aki ta bay sigui cu e trabao aki mas contento y mas fuerte cu nunca.

Departamento di DIMAS ta hopi druk cu hopi otro cos; pa Guarda Nos Costa, ta un verlengstuk di loke

nan haci caba, ora cu drenta companianan cu ta emplea personanan ilegal. E ta gewoon un cuestion di un papierwerk, mas pa asina otorga e boet y haci e inning. E ta un consecuencia logico, pero naturalmente e ta algo cu minister di husticia tin cu wak'e mas profundo den dje. Na tur momento e obhetividad di e entregamento di boet semper mester keda prevalece. Un hende tin derecho conforme cu ley pa ora cu un boet wordo duna na dje, e tin derecho pa den un cierto termino, entrega su bezwaar, si acaso e no ta di acuerdo cu e boet aki. E mester por cana su caminda den un forma obhetivo. Tanto e Minister como sra. Hasell ta para pa esey tambe, sra. Trudy Hasell a bisa por ultimo.

Minister y hefe di Aduana a tuma decision unilateral pa corta e turno di marduga di 12-8

Sindicato SADA no ta nada contento cu e decision di hefe di Aduana pa corta e turno di marduga.

Segun hefe di Aduana lo por spaar 750 mil florin, pero segun SADA cu no ta berdad y nan kier wak esey.

Sada ta para riba cu bo no por laga airport bandona entre 12'or cu 8'or y lage un free for all.

Hefe di Aduana kier meen cu por tuma e risico ey!

Esaki a causa hopi preocupacion y disgusto cerca miembronan Aduanal y nan a drenta un huelga.

Segun SADA cu minister a duna hefe di Aduana un carta blanco pe haci y deshaci.



Awo cu 2 florin mas, bo por gana e **MEGA PLUS**

* Afl.


380.000,-

* Afl. 280.000,- + Afl. 100.000,-

sorteo ta awe nochi

extra

Obtenibel na cualkier rebendedo di Lotto.



Na Macuarima:

Problema entre dos famia a hera escala



Diasabra pa mas o menos 12'or y 20 polis a wordo manda na Shahai pa un bringamento cu tabata apunto di cuminsa.

Hopi liher varios unidad di polis a yega na e sitio y a bin compronde cu ta trata di un problema entre dos famia, relaciona cu un caso di asesinato den cual un persona a wordo tira na Rooi Bosal algun luna pasa. E famianan aki tin problema cu otro y a topa cu otro na Shahai.

Polis a papia cu ambos famia y a trata di calma nan pero no ta descarta e posibilidad cu e problema aki lo sigui. Aparentemente e famia lo ta menaza otro.

Pa menaza e polisnan na e sitio a consehanan pa bay entrega keho na recherche.

PUEBLO A HAÑA SU PEN BEK
 Pa kualkier informacion
 solodipueblo@gmail.com
 of
 ☎ 585-9500

Editorial

Shame, Shame, Shame

A great Arubian passed away a week ago with services for condolences last Thursday night and funeral on Friday. I as his friend was there on both occasions from start to finish and feel real disappointment in the lack of respect given to this great individual who did so much for his Aruba.. Ramon Alfredo Sharpe, a man who excelled in all sports, representing Aruba successfully at international competitions and a man in culture that played a tremendous part in developing calypso and road march with probably the most prizes won by those who sang his compositions. He wrote beautiful poetry, was an Ambassador in tourism when he worked in the Hotel Industry. He was a friend to all and offered help to anyone who asked, be it in sport , in calypso in public speaking or whatever, never asking for a penny for anything that he did just doing it for the love of the moment. I counted on one hand the calypsonians that came to pay respects and also on one hand the politicians. Not even the Minister of Sports and Culture showed up. What a Shame! What is happening to our society ! Are we just discarding our elders?

A few years ago, a plaque was put on a monument in Pos Chiquito to recognize various individuals, one being Ramon. That monument has been left to deteriorate. Will his memory also be left to deteriorate in the minds of Arubians? I hope not and I hope that our Government will do something to ensure that this does not happen.

Gregory Lyder. (Mighty Whitey)

Cliente a perde 600 florin y negoshi no kier coopera cu filmacion

Diahuebs merdia un señora a presenta na Warda di Polis pa entrega keho di robo, un delito cu a wordo cometi den un negoshi, cu tin filmacion pero a nenga di coopera cu e cliente aki.

Segun e denuncia W. a bisa Polisnan, rond di 1'or di merdia el 'a bay na e negoshi Tat Fat den Venezuelastraat pa cumpra algun material di construccion. Pero e no a haya loke e tabata tin mester y a bay e otro negoshi di e mesun doño den Italiëstraat, pero a laga su tas atras. Ora cu e tabata canando den e negoshi den Italiëstraat, el 'a bin realiza cu e no tin e tas cun'e.

E señora hopi liher a bay bek na esun den Venezuelastraat. El 'a bin haya su tas dilanti di e cahera riba un caha. Mesora el 'a ripara cu e placa no ta den su tas mas. Mesora el 'a informa e cahera cu el 'a laga su tas riba e caha y cu e falta placa den su cartera. El 'a pidi e cahera si e por mira e filmacion di camara di seguridad pa mira ken a bay cu e placa, pero e cahera e contest'e cu e no sa e codigo di e sistema di camara. E señora e pidi'e pa yama doño di e negoshi pero el 'a nenga y a bisa cu esey ta oranan priva di e propietario y cu e no por yam'e. Denuncia a wordo tuma.

Diego de Cuba di STA:

Management team di Guarda Nos Costa lo bay atende e ilegalidad cu man basta fuerte!



E razzia cu a tuma lugar, y a haci un inval na e compania FAST. Sr. De Cuba kier a felicita e trahadornan di Gurda nos Costa, pa nan curashi y balentia y tambe nan bon trabao cu nan ta bin ta eherciando ultimamente.

Desde cu srea. Trudy Haslel y Icho Martis a tuma over e departamento asi, por mira un cambio bastante grandi. Icho Martis ta un di e personanan cu conoce e trabao aki. Locual cu Guarda Nos Costa ta haciendo door en door, ta un persona cu De Cuba por corda cu hopi tempo pasa, cu ora e y su coleganan subi caya, ta raspa nan ta raspa. Mirando e situacion cu Aruba ta aden cu asina hopi ilegal, por bisa cu e multanan mester cuminsa cay. Doñonan di empresa cu ta violendo leyman asina aki, di e manera aki y abiertamente. Tur hende tin derecho di biba y tur hende ta di acuerdo cu esey. Pero bo no por ta ilegal na Aruba y un doño di trabao ta tumabo den servicio y ta bin tur un fanfaria ora un control wordo haci, manera cu ta pretende cu no a kibra un koppi.

E cosnan aki e managementteam nobo lo bay coy e cosnan aki cu man bastante fuerte y STA ta para 100% tras di Guarda Nos Costa y tur e backupnan cu tin cu bin hunto cu nan.

Si ta di CEA, di parti di Polis, Douane, Inmigracion, no por sigui mas asina aki. Pais Aruba ta un pais chikito y no por mas cu tanto ilegalidad aki. Esaki ta problema so e ta trece pa nos pais. Si bo wak bon, kico ta pasando y esaki tambe a splik'e hopi biaha, e hendenan aki ta traha y ta paga nan bao di salario minimo. Nan no ta contribui tampoco na belasting. Nan no tin net nada. Tur e placanan aki ta escapenan di divisanan cu tin pa pais Aruba, placanan cu ta bay afor y ta un di e problemanan cu Aruba ta sinta aden, escape di divisa cu tin cu bisa, cuanto placa ta sali for di pais Aruba y ta bisa cu nos mester trata di frena ilegalidad, pasobra pa motibo di ilegalidad, hopi placa ta sali for di e pais aki. Esey no ta e intension.

Prome Minister Evelyn Wever-Croes na Corsou pa reunion importante:

TEMA: 'E COOPERACION DI E PAISNAN NA MOMENTO DI CALAMIDAD'

Dialuna y diamars ta tuma lugar na Corsou un reunion di nivel politico halto. Prome Minister di Sint Maarten, Leona Marlin-Romeo, Prome Minister di Corsou Eugene Rhuggenaath y Prome Minister di Aruba Evelyn Wever-Croes ta reuni y habri e dos dianan di reunion.

Tema di e reunion aki ta: 'E cooperacion di e paisnan na momento di calamidad' na unda lo duna un reflexion riba e cooperacion di aña pasa na e momento cu Orca Irma a azota Sint Maarten. Tambe lo elabora riba kico nos por siña di e calamidad ey.



Di parti di Aruba, Prome Minister Evelyn Wever-Croes lo enfatiza cu Aruba semper lo ta para cla pa yuda e islanan ruman, apesar cu Aruba mes tin su retonan. Nos ta poniendo man na obra

pa atende cu tur reto di nos pais y ta prepara pa cualkier eventualidad. Den cuadro di esaki, Prome Minister ta enfatiza cu e reunionnan aki na Corsou ta di sumo importancia.

Prome Minister Evelyn Wever-Croes lo ta ausente dialuna pa atende e reunion importante aki y lo ta bek na Aruba dialuna atardi.

Gobierno den crisis cu Aduana

Gobierno a corta "nachtdienst" di Douaneronan

Esaki ta pa baha gasto di personal pa cumpli cu presupuesto

Dialuna mainta a habri cu otro huelga di Aduana. Den e caso aki ta trata di e orden di Gobierno cu sosten di Ministerraad pa corta gasto pa cual hefe di Aduana a tuma e medida pa corta gasto pa scapa 600 mil florin.

Minister Xiomara Maduro tabata enfatico, cu e gastonan aki mester wordo corta y ta hefe di Aduana a presenta e rapport pa asina implementa e decision cu lo no tin turno di anochi.

Segun e minister cu esaki lo no afecta e salario di Douaneronan. Awor SADA ta menaza cu huelga y Minister a dicidi cu ta bay Corte pa asina para nan huelga.

Minister Xiomara Maduro a bisa cu e sindicato mester respeta e hefe di Aduana y no lo por core bini cerca minister, pasobra minister lo no bypass decision tuma door di Hefe.



Parlamentario di MEP, Edgard Vrolijk:

‘Un parti di e fondo di TPEF lo ser destina pa un boardwalk di Ritz Carlton pa Malmok’

Recientemente nos den parlamento a trata e fondo di TPEF (Tourism Product Enhancement Fund) y pa loke ta destinacion di e fondo aki. Den e reunion a bin dilanti cu un parti di e fondo lo ser destina pa un boardwalk di Ritz Carlton pa Malmok. Esaki sigur pa mi persona ta un bon noticia den miras di un mocion entrega durante tratamiento di presupuesto 2018, unda ta pidi Minister Dangui Oduber pa pone atencion na e area aki debi cu hopi hende local y tambe turista ta haci uso di e zona aki pa actividadnan fisico y e area aki a bira uno peligroso pa esnan cu ta haci uso di e zona aki. Y awor esaki ta bay haya forma y lo brinda e usadonan (ciclistanan, peaton) seguridad cu nan por haci movecion sano den un zona bunita pero tambe sigur. Y banda di esaki tambe lo percura pa iluminacion te cu na e faro di Westpunt.

Atencion pa San Nicolas

Banda di esaki mi persona a

pone atencion na area di Lago Heights te cu Baby Beach, unda tambe por destina esaki den futuro pa un boardwalk. E grato noticia cu nos di parlamento a ricibi ta cu su Excelencia lo haci lo maximo pa aloca fondo pa crea e area aki den un boardwalk cu ta garantisa seguridad di esnan cu ta usa e caminda aki pa movecion sano y sigur esnan di ciclismo y ta duna un bunita bista na e turistanan cu ta bishita Baby Beach y Rodgers beach y ta duna atraccion pa mas inversionista aki na San Nicolas y e sector hotelero.

Desaroyo di otro areanan

A enfatisa cu e producto Aruba ta un totalidad y no dos area so. A urgi pa pone atencion na mas area manera Hooiberg, Ayo Rock Formation, Andicuri, Daimari, Conchi y tambe Parke Nacional Arikok. Hooiberg mester drecha e area y haci esaki mas sigur y atractivo. Ayo Rock Formation tambe mester mehora e producto y brinda e bishitante y tambe e

local e posibilidad di por tin un bunita recuerdo. E otro areanan manera Shete cu ta areanan cu hopi tours ta core pa bay Conchi, mester corda pa drecha e camindanan pero pa pone verkeersplateau pa motibo di exceso di velocidad den e areanan aki y cu ta causa peliger na habitantenan.

Borchinan di indicacion

Tambe un punto importante ta e borchinan di indicacion pa haci mas facil pa e bishitante y hasta e local pa por yega na su destinacion, esta e atraccion turistico den e areanan aki. Y nos no por lubida e area di Parke Nacional Arikok unda infraestructura cu ta conecta cu e parke ta den estado pesimo y mester un mehoracion pronto unda nos ta papia di Urataca, Picaron, San Fuego y tambe Warawara. Y nos tin di pone borchinan di indicacion pa por yega mas facil na zonanan manera Andicuri, Daimari etc.

Mi ta hopi contento di tende cu lo pone atencion na e



areanan aki cu nan tambe lo bay forma parti di e producto Aruba. Asina pueblo por wak cu e Gobierno aki a priminti un cambio y nos tiki

tiki ta logrando esaki, den tur turbulencia y situacion financiero precario cu nos a hereda.

ConocoPhillips ta anuncia acuerdo di 2 biyon dollar cu PDVSA

ConocoPhillips a anuncia cu nan a yega na un acuerdo cu PDVSA pa recupera 2 biyon dollar, e cantidad total otorga pa un tribunal arbitral convoca bao di e reglanan di Camara di Comercio Internacional, mas interes.

COP ta bisa cu PDVSA ta acepta di reconoce e sentencia y realiza un pago inicial di 500 miyon dentro di 90 dia y e saldo di e acuerdo lo wordo paga trimestralmente durante cuater aña y mey.

Como resultaod di e acuerdo, COP lo suspende e accionnan legal di cumplimiento relaciona cu e pago. COP tin un accion legal separa y independiente pendiente contra e gobierno di Venezuela, ante un corte dependiente di e Centro Internacional di Areglo di Diferencianan Relativo na Inversionnan di Banco Mundial.



Parlamentario di MEP, sr. ROCCO TJON:

Incomprensibel y inacceptabel cu Hulanda no ta brinda asistencia pa investiga caso di corrupcion!

Durante rueda di prensa, lider di fraccion di MEP, sr. Rocco Tjon MBA, ta elabora riba e onderzoeks-rapport cu a ser entrega na Ministerio Publico Februari 2018.

UPDATE MINISTERIO PUBLICO

16 di Augustus fraccion di MEP a entrega informacion adicional y nobo na Ministerio Publico. E informacion aki tin di haber cu e onderzoeks-rapport cu a wordo entrega na Februari, den cual acto nan di corrupcion door di gabinete anterior ta wordo señala y substancia. Fiscal Mayor a duna di conoce cu tin un plan con pa atende cu e caso aki cla. Sinembargo no por a cuminsa cu e investigacion ainda door cu ta warda riba extra personal y experticio di Hulanda.

PROCESO HUDICIAL

Tur informacion cu drenta cerca husticia mester wordo valida. Esaki ta sosode atraves di un asina yama

“pre-weeg” documento. Un comision hudicial na su turno ta dicidi e ora pa traha un “projectvoorstel”. Atraves di e projectvoorstel aki ta dicidi si por proba e sospecho y con real e chens aki ta. A base di esaki ta dicidi cual unidad ta bay investiga e caso y dicho unidad ta traha un plan. Ministerio Publico a confirma nos cu e plan aki ta cla. Nos ta conclui e ora cu ta confirma cu e sospecho entrega ta real y por wordo proba tambe. Unico cos cu falta ta e asistencia di personal y experticio pa por cuminsa investiga.

PREGUNTA NA MINISTER DI HUSTICIA

Lider di fraccion di MEP a muestra prensa e preguntanan cu a wordo haci na sr. mr. A.Bikker por escrito. Ta incomprensibel cu ya lunas atras Hulanda a aproba peticion di e mandatario pa asistencia pero no kier asisti Aruba awor aki pa por atende cu e caso aki. Ta



importante pa sa e motibo tras di esaki y ki momento lo ehecuta e decision aproba door di e Minister di Husticia Hulandes anterior.

FINALIZANDO

Ta parece como si fuera

Hulanda kier impedi e investigacion pa tuma lugar. En espera di contesta riba e preguntanan haci, sr. Tjon lo evalua si ta manda e onderzoeksrapport por completo pa miembronan

di Tweede Kamer. Asina nan por haci pregunta tambe na nan mandatario pa haya sa e motibo pakico kier impedi un pais den Reino pa investiga casonan di corrupcion.

Diego de Cuba di STA:

Aña 2018 no por bolter tanten cu e formatierapport di Guarda Nos Costa y Inmigracion no ta cla

E reunion cu a tuma lugar ayera, a bay den un tremendo bon ambiente, segun Diego de Cuba di STA. E minister a expresa tambe su gratitud y cu e ta contento cu e trabao cu Guarda Nos Costa ta haciendo. Mescos sra. Hasell tambe, a expresa esey y sr. Icho Martis tambe, logicamente tambe ta contento cu e trabao desplega.

Di parti di STA ta bezig cu e formatierapport cu tin riba mesa actualmente y kier caba cun’e pa e aña aki. Presidente di e sindicato, Diego de Cuba, a enfatiza cu 2018 no ta bay bolter sin cu e formatie aki no ta cla. Semper Guarda Nos Costa y Inmigracion tambe tabata zweef. Awor aki cu ta den un formacion oficial pa loke ta e identidadnan aki, lamentablemente tin hende cu ta tira cosnan den laira cu ta di lamenta, el’ a splica.



Aruba One Happy Island Lions Club cu beach cleanup

Prome cu 7'or diasabra mainta miembronan di Aruba One Happy Island Lions Club a reuni na porta di Seroe Colorado pa asina haci e beach conoci como Plastic Beach, completamente limpi.

Aruba One Happy Island Lions Club a adopta e beach aki y lo mantene limpi regularmente. Asina yudando pa tene nos beachnan limpi y contribui cu nos medio ambiente.



MIDDAG-AVONDMAVO ARUBA



Inscripcion 'Middag- y AvondMavo'

Fecha: 20, 21 y 22 di augustus 2018
Lugar: EPI Oranjestad (kantoor di Middag- en Avondmavo)
Orario: 9.00 – 13.00 ora
Number di contacto: 583- 3779

Pa por inscribi mester trece e siguiente documentonan valido:

- 1 Pasfoto;
- Comprobante cu ta inscribi na Censo (5 florin), no mas bieu cu 3 luna;
- Comprobante di ultimo rapport di scol of diploma y copia lista di cifra;
- Copia di identificacion valido;
- Comprobante di un aseguro medico valido pa un aña, of tarheta di AZV.

Prome Minister Evelyn Wever-Croes:

Reunion di nivel politico halto riba tereno di calamidad

“ALL HANDS ON DESK” na Corsou

WILLEMSTAD - Dialuna y diamars ta tuma lugar un reunion riba nivel politico halto na Corsou tocante con e paisnan Aruba, Corsou y Sint Maarten por traha hunto riba e tereno di calamidad.

Durante e reunion a repasa e sucedidonan aña pasa na Sint Maarten cu a wordo asota pa e orcan mas grandi den hopi tempo, orcan Irma, despues pa e tormentanan Jose y Maria cuanan a laga dañonan enorme atras.

Na principio di e reunion e Prome Ministernan di Aruba, Corsou y Sint Maarten cada un a expresa e disponibilidad pa yuda otro den casonan asina.

Di parti di Aruba, Premier Evelyn Wever-Croes a trece padilanti cu Aruba ta dispuesto pa yuda, caminda cu por y kier haci palabracionnan kico ta wordo spera di cada pais. Esaki ta conta tambe pa otro tipo di calamidad, no solamente orcan.

“Nos ta islanan ruman y di e lazonan historico cu ta uni nos, ta sali e responsabilidad pa yuda otro. Nos cada un tin nos desafionan, cu mester atende cu prioridad. Pero semper ta bon pa ta bon prepara. Y semper ta bon si bo sa cu den caso cu bo mester di ayudo, bo por conta cu ayudo di bo



bisiña”, Prome Minister Wever-Croes a expresa.

E delegacion di Aruba ta consisti di Premier Evelyn Wever-Croes, Hefe di Rampenbureau Aruba Rino Hermans

y Commandant Brandweer di Aruba Eduard de Cuba.

Den vecindad di Maiky's na Hooiberg:

Accidente cu hende herida den mondi



Diasabra madrug a drenta informe di un accidente cu hende herida y pega den mondi pariba di Maiky's na Hooiberg. Mesora a dirigi tanto polis, ambulance como tambe e equipo

di rescate di bombero pa e sitio. Na yegada di e patruya a bin compronde cu e chauffeur di e Toyota Tercel A 34398 bayendo direccion pariba a perde control baha caminda na man

drechi dal un spandraad di palo di luz y bay pega den mondi. Polis a acerca e auto y a haya unicamente un persona den e auto cu a bisa di cu un persona color scur tabata core e auto y cu probablemente e impacto lo a sak'e afor of el'a core bay. Wayanan di coriente y cable tv a cay, poniendo polisnan preocupa cu si por tin peliger di coriente y a prefera warda e personal di Elmar yega.

Na yegada di e ambulance polis a avisanan pa tene precaucion ya cu e kabelnan ta colga y pa preveni laga Elmar yega. Na yegada di e equipo di rescate nan a ser avisa di e mesun cos



y a warda pa Elmar yega. Pero como cu esaki ta tardando e bomberonan tecnico cu conocimiento, a nota cu no tabata tin problema pa a yega na e supuesto pasahero y a sak'e for di e vehiculo. Ambulance mesora a

atende y a transport'e pa hospital. Riba e ponencia di cu tabata tin un otro chauffeur polis y bomberonan a busca rond pero no a logra encontra cun'e. Polis a confisca e vehiculo pa mas investigacion.

Filomena College MAVO ta yama alumno y coleganan Bon Bini



E aña escolar nobo a cuminsa cu bon energia y positivismo na Filomena College MAVO, San Nicolas.

Directie di FCM ta yama pa medio di e articulo aki Bon Bini na cada alumno y colega nobo di school. Ta trata di e maestro nan Roan Petronia (GYM), Jarissa Dubero

(CKV), Mariela Carrion (Papiamento), Shanty Dwarka (Economia) y pa administratie Connie Boekhoudt.

Tambe directie ta desea cada alumno y maestro di e team total y campeon aki, tur clase di exito. Nos no tin duda cu nos lo briya atrobe den 2018 – 2019.



Diego de Cuba di STA:

Relacion entre Minister di Husticia y Management Team di Guarda nos Costa ta mihor cu nunca

Presidente di STA, Diego de Cuba tabata presente durante un reunion yama pa e personal di Guarda nos Costa. Aki Minister Andin Bikker y managementteam tambe tabata presente. Sr. De Cuba a splica cu e reunion cu a tuma lugar tabata riba e suceso cu tabata tin na e compania FAST, cual a tuma lugar no mucho dia pasa. Sindicato STA ta lamenta noticianan erroneo cu a circula den medionan, pasobra esaki a trece hopi confuscion bao di e trahadornan y nan a manera crea un impresion cu tabata tin un conflicto entre e managementteam y e minister, locual cu absolutamente no tabata e caso.

E relacion entre e mandatario y managementteam ta mihor cu nunca. E relacion entre sindicato, minister y e managementteam ta hopi bon. Tin un contacto bastante estrecho y ta tratando na soluciona problemanan cu no a wordo atendi cu nan pa hopi aña, sigur door di e ultimo gobernacion, esta e ultimo minister di Husticia cu tabata tin. Awor aki, por ripara cu tin un cambio den e maneho di Guarda nos Costa, aunke tin cu bisa cu falta hopi pa drecha ainda. Falta pa loke ta e parti di uniform, e sindicato ta contento cu un parti a bolbe keda cla.

Ta trahando tambe pa nan keda cla cu e VDA - Onderzoek, pa nan por haya



nan badge tambe cu nan cu bay cursonan cu ta den ta un di e puntonan di mas por subi riba e rampa na pipeline. Pero mester caba importante cu tin. aeropuerto. Tambe nan tin cu formatie-rapport. Esey

Te cu dia 31 di Augustus 10% di descuento cu Fun Miles

Home Fun Super awor ta bira extra 'fun' cu Fun Miles

For di awor miembronan di Fun Miles por cambia nan Miles na Home Fun Super den curazon di Savaneta. E establecimiento aki ta ofrece un surtido grandi di articulonnan asombrosamente barata pa tanto paden y pafor di cas. For di aparatonan electro-domestico pa co'i hunga y for di articulonnan pa interior di cas te na mangel y decoracion. Como oferta di introduccion, miembronan di Fun Miles ta ricibi te cu dia 31 di Augustus proximo 10% di descuento ora cu nan cambia nan Fun Miles na Home Fun Super.

den e establecimiento lo bo descubri constantemente cos nobo. Nan ta ofrece un surtido grandi di articulo pa cas y tambe aparatonan electro-domestico, mangel, co'i hunga, articulonnan di Disney, productonan di e marca Spar y Oké, productonan pa bestia di cas, limpieza y mucho mas. Tur esaki na prijsnan asombrosamente barata. Pa esun cu ta desea di cumpra articulonnan pagabel, util y fun ta un 'must' pa bishita Home Fun Super. Bay cu bo kaarchi di Fun Miles!

Mas informacion tocante Fun Miles?

Tuma contacto cu Customer Service na number 588 - 9947 of bishita funmiles.net of facebook.com/funmiles.

Tocante Home Fun Super
Home Fun Super ta un socio comercial di e popular marca Spar na Hulanda. Ora bo cana



Ban inventariza nos Herencia Cultural Intangibel - Sabiduria di nos grandinan

UNESCO ta e organizacion internacional cu ta traha riba tereno di Educacion, Ciencia, Cultura, Comunicacion y Informacion. Pais Aruba ta miembro asocia di UNESCO desde 1987. Riba tereno di cultura, UNESCO tin un tratado pa Salvaguardia Herencia Cultural Intangibel. Gobierno di Aruba a co-ratifica e tratado aki na aña 2012. E tratado ta conoci bou di enomber di ICH-Convention (Intangible Cultural Heritage Convention).

Herencia cultural intangibel ta referi na practica, representacion, expresion, conocimiento y habilidad di hende relaciona cu tur loke nan ta haci den bida. Tur esakinan y tambe instrumento, objeto, artefacto y espacionan cu tin algo di haber cu e parti cultural aki. E comunidad di bo pais, esta un grupo di hende y den algun caso, un individuo ta reconoce esakinan como parti di nan cultura.

Herencia Cultural Intangibel segun e tratado di UNESCO ta manifesta su mes riba tereno di: a) tradicion y expresion oral, incluyendo idioma como vehiculo di patrimonio cultural inmaterial; (b) arte escenico, esta arte cu ta presenta riba un escenario; (c) practica social, ritual y evento festivo;

(d) conocimiento y practica relaciona cu naturaleza y universo;

(e) artesanía tradicional.

Esaki ta indica cu herencia cultural intangibel, esta nos patrimonio cultural inmaterial, ta tur loke en principio nos no por mishi cune. Na mes momento, casi semper e parti di cultura intangibel ta relaciona directamente cu un parti cu si ta consisti di material, esta cu si bo por 'touch'. Por ehempel musica ta pertenece na nos herencia cultural intangibel, pero sin un instrumento (cu por ta tambe man y/of boca di hende), no por produci musica. Otro ehempel ta un baile cu tampoco bo por mishi cune, pero mester di un curpa cu ta haci e movecionnan. Un cuminda bo por mishi cune, pero e holo di cuminda no. Asina hopi di nos custumber, creencia y conocimiento ta algo cu nos no por mishi y tur esaki ta forma parti di nos herencia cultural intangibel, cu ta conoci tambe como nos cultura inmaterial.

UNESCO ta haci un peticion na tur e islanan Caribe Hulandes pa nos bay identifica y registra tur loke cu nos comunidad ta considera cu ta forma parti di nos cultura intangibel. Pero e biaha aki cu enfasis riba e conocimiento y practica di nos grandinan relaciona



cu desaster natural. Esaki por ta un yobida severo, horkan, hos, temblor, pero tambe candela of otro daño ocasiona a base di actuacion di hende. Particularmente UNESCO kier inventarisa cua ta e conocimiento di nos hendenan di antes, ora cu nan tabata haya nan confronta cu mal tempo.

Pa e motibo aki Comision Nacional di UNESCO Aruba ta invita bo persona of bo organizacion pa participa na un encuentro, cu ta bay tuma

lugar:

Diabierna 31 di Augustus 2018, na Cas di Cultura, sala chikito.

For di 8.00 am te cu 12.30 pm.

Durante e encuentro aki lo bay conta otro di e conocimiento, practica y custumbenan cu nos hendenan tabata usa prome, durante y despues di un temporada di mal tempo. Nos ta invita tur hende cu tin e conocimiento aki pa bin comparti bo conocimiento

cu nos, pa asina nos por documenta e sabiduria di nos grandinan. Nos ta invita particularmente nos cunukero y nos piscadornan, pero tambe tur otro persona cu tin e conocimiento di con pa anda cu mal tempo, pa bin comparti nan conocimiento cu nos.

Pa mas informacion por tuma contacto cu secretariado di UNESCO Aruba na tel. 582-7939 of via e-mail z.ponson@unesco.aw



Kockstraat 4 San Nicolaas

Tel: 524-5080

NOS RESPONSABILIDAD DI LIMPIESA

TA E MIHOR HERENCIA

Weg Rooi Hundo, SN:

Un cas bandona na candela



Diasabra madruga a drenta informe cu tin un cas na candela na Weg Rooi Hundo. Mesora a dirigi tanto polis como bombero pa e sitio. Na yegada di e patruya a bin compronde cu aki ta trata di un cas bandona cu ta ser usa pa chollernan. Tin un cuarto patras y esaki tabata na candela. Na yegada di e bomberonan mesora a combati y domina e candela aki.

Robo na Club di Hadicurari

Un otro denuncia a wordo haci diahuebs den oranan laat di atardi. Pa 5'or Polis ta Strand ta wordo manda na e club di Hadicurari pa un caso di robo. Na e sitio nan a papia cu e turista femenino T.W.


El'a declara cu dia 15 di Augustus ultimo pa 5'or di atardi el'a laga su auto un Nissan March staciona na e parti pariba di Moomba Beach. Dia 16 di Augustus pa 12.30 di madruga el'a bay subi su auto y a constata cu desconocirnan a bay cu e tire robez patras. Polis a bay check pero no tin camara di seguridad den vecindario y e denuncia a wordo tuma.

Aruba tin su di cinco oficina di partera Amare Midwife Practice

Aruba a haya un oficina di partera nobo y esaki ta e di cinco cu ta Amare Midwife Practice. Na 2015 partera Stephanie Daal a gradua di Karel de Grote Hogeschool na Antwerpen, België.

Despues di su estudio, el'a bolbe bek Aruba pa asina ehersce su profesion. Na 2017 el'a obtene su diploma den Echoscopie for di Fontys Hogeschool. Y awor na 2018 el'a habri su mesun oficina pa asina por brinda tur hende muher e servicionan optimal cu un partera por ofrece. Cu hopi amor y dedicacion partera Stephanie ta guia su clientenan pa asina nan tin un embarazo mas comodo y placentero posibel.

Amare Midwife Practice ta situa na Caya Punta Brabo 3 y por tuma contacto na 699-2987, tambe por tuma contacto via whatsapp. Like nan facebook page pa asina keda na altura di tur loke Amare Midwife Practice por ofrece bo durante bo embarazo.



Opinion Publico

E Pricky di oposicion no ta e mesun Pricky cu ta den gobierno

Por a tuma nota ayera cu Douaneronan a pone trabao abao y por a mira Pricky den un conferencia di prensa, unda cu e ta bisa cu el 'a haya ordo di ministerraad. Pero loke ta strañami ta, cu Pricky tabata den oposicion y tabata masha beleefd. Pricky tabata tin solucion pa tur cos. Pricky tabata zundra e gobierno di AVP cu nan ta haci cosnan ad hoc, etc.

Bida sa dal vuelta. Lugar awe e Pricky di oposicion no ta e mesun Pricky cu ta den gobierno. Pricky ta hisa benta, e no ta consulta y kier hiba e trahadornan Corte. Ami ta bisa esaki. MEP ta recurri na e mesun guera cu ambtenaarnan entre 2001 y 2009, loke Nilo Swaen a haci.

Douaneronan ta entre 300 y 400. Si mal'e cu 3 ta 1200. Por ta hasta mas cu tin rabia riba MEP for di tempo di Nilo Swaen. Awor nan ta bezig cu e mesun modus operandi. Nan no tin ni un aña y ya ta

cuminsa pleita cu tur hende.

Loke ta straña nos ta, cu pricky no ta conta ki dia e ta cuminsa corta su mesun salario pa loke ta e presupuesto. Esey ta algo cu no ta compronde. Y loke por mira tambe ta, cu Pricky ta modela, bisti netchi, cu no tin nada malo cu esey. Pero e puesto ey no ta modela so, bisti tur dia un shimis nobo, un collar nobo. E puesto ey ta mas di loke bo ta pensa. Nos a kere cu Pricky ta sa cu e responsabilidad ta hopi mas di locual el 'a kere. Awe e ta demostra cu e no tin pasenshi pa nada. Mescos cu POR tin un Andin, MEP tin un Andin, na un modo di bisa, cu ta pega barco.

E gobierno aki si e wanta 2 aña pa 2 aña y mey, ta hopi y MEP ta bira un partido chikito. Para y wak kico ta bay pasa.

Number y adres conoci na redaccion

Na Shiribana:

Grupo di persona menazando habitante den su cas



Diasabra madruga a drenta informe di un caso di destruccion y menaza cu arma di candela na un adres na Shiribana. Mesora a dirigi un patruya pa e sitio. Na yegada di e patruya a bin compronde cu aki ta trata di un grupo di 5 persona cu a presenta y a destrui e sliding door pa drenta den un kamber unda

un habitante tabata drumi. Nan a menaza e habitante relaciona cu detencion di nan conocirnan algun dia pasa. Pero despues di esey nan a bay for di e sitio. Polis tin e caso bao investigacion y den transcurso di dia recherche lo pasa pa encamina e investigacion.

Universidad di Aruba ta muestra studiantenan con pa hiba un dieet vegano riba un presupuesto



Studiantenan nobo di Universidad di Aruba a ricibi un tayer yama "How to Go Vegan on a Student Budget" durante di nan siman di introduccion riba dia 16 di Augustus.

E tayer a wordo dirigi pa e profesor di Trabaonan Social di e Universidad y vegano di Vegan Aruba, Meredith Marin, cu asistencia di e estudiante vegano y modelo Emily van Spaandonk. Esaki ta inclui informacion riba con pa cushina bo propio cuminda, scoge productonan local, purba berduranan frozen, yena bo mes cu proteinanan di mata y gasta

bo placa riba alimentonan rico den proteina.

Un enorme paso pa veganismo

Marin a conta Plant Based News: "Durante e tayer, e studiantenan a purba vegan sliders y chocolate oreo cupcakes for di restaurantnan local "vegan-friendly".

"Esaki ta un paso enorme pa e creciente movimiento vegano riba na Aruba, y un señal cu e academia ta cuminsando na brazo e mensahe vegano."

"Ki mihor momento pa bira vegano cu na universidad, ora cu e enfoke ta den desafia bo creencianan pa siña investiga

y pensa criticamente."

Studiantenan ta bira vegano

Cada biaha mas estudiante ta bandona productonan animal, di acuerdo na cifranan dentro di e movimiento. Den Reino Uni, e organizacion di derechonan animal PETA, a lanza un campaña pa haya representantenan di campus, den un bid pa sostene e hobennan aki y plama e mensahe vegano.

Di acuerdo cu director di PETA, Elisa Allen: "Studiantenan na Reino Uni ta birando vegano den cantidadnan grandi."

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Sushedad laga atras na baranca pa usuarionan y piscamento excesivo



Directie Natuur en Milieu, DNM, a ricibi kehonan relaciona cu sushedad laga atras na baranca door di piscamento y otro usuarionan. Especialmente, pero no limita, na areanan di Malmok y Boca Catalina. Ta trata principalmente di sushedad cu ta consisti di plastic (liñanan di pisca y saconan di haas) cu ta un menaza pa nos bida marino.

Nos sa cu turtuganan ta bishita nos beachnan pa bin pone webo. Tanto e liñanan cu ta cay na awa y e liñanan cu ta pega y kibra ora di piscamento, ta forma un peligro pa entre otro e turtuganan cu sa bruha den e liña.

Otro preocupacion cu ciudadanonan a trece dilanti ta e uso irresponsabel di reda, entre otro door di laga e reda keda tempo largo na un sitio. Redanan perdi tambe ta forma un peligro. Bestianan ta pega den dje y ora bin lanta nan ya e pisca, turtuga of otro bestianan a muri te cu nan a cuminsa putri. Dus no por come esakinan mas. Tambe e redanan ta pega den e coralnan y haci daño.

Materialnan usa manera blaas, y saconan di plastic cu ta bay awa door di usuarionan en general, bestia y biento fuerte, ta forma peligro pa e bestianan marino. Regularmente por mira y lesa riba varios website cuanto plastic ta saca for di bariga di pisca y otro bestianan marino. Awendia ta existi liña di pisca cu ta 'biodegradable'. Esey kier meen cu den un cierto

cantidad di tempo e liña aki ta caba y garna bay, asina reduciendo e peligro pa bida marino.

Negoshinan banda di lama mester percura pa tin mihor manera pa contene nan desperdicionan pa asina evita cu biento ta saca e sushi y bente tanto riba tera como den lama. Nos por bisa cu ya nos a tuma contacto cu varios negoshi cu DNM por a ricibi keho riba nan y e reaccion tabata positivo y nan ta dispuesto pa haci e cambionan necesario pa preveni cu e sushedad yega nos beachnan y den lama.

Tambe kehonan riba piscamento excesivo, tanto na canto como dilanti di nos costanan ta drenta cerca nos. Ta parce cu ta cabando cu cierto especienan, segun informacion cu ta drenta cerca nos na DNM. Un di e kehonan ta por ehempel, cu casi no tin presencia di Masbango mas ni den temporada di Masbango, na nos costa.

Den cuadro di esaki, DNM ta suplica tur ciudadano pa haci uso di nos recursonan na un forma sostenibel, responsabel y na un forma consciente. Ban cuida loke ta di nos. Nos ta un pueblo culto y nos sa con pa protege loke ta di nos. Nos di DNM no ta pidi bo pa para bo negoshi of pa stop di tira dos liña na baranca, of di usa nos lama pa relaha y pasa un tempo agradabel cu famia. Loke nos ta pidi ta, pa haci e cu respet y amor pa nos naturaleza y medio ambiente, pa nos flora y fauna.



RENT - RENT - RENT - RENT - RENT - RENT - RENT - RENT - RENT

RENT ME WASTE CONTAINERS



10 YARDA 165

WEEKENDS SPECIAL FRIDAY TO MONDAY



RENT ME WASTE CONTAINERS

TELEFON:
5634201 - 5603500

RENT - RENT - RENT - RENT - RENT - RENT - RENT - RENT - RENT

Team di SETAR a duna presentation y workshop na Universidad di Aruba



Recientemente durante dianan di orientacion na Universidad di Aruba SETAR a duna presentacion y workshop na gruponan estudiante cu a haya oportunidad pa brainstorm y trece ideanan pa SETAR.

Studentenan di UA guia pa coleganan di SETAR a hack ideanan inovativo usando tecnologianan manera 3D printing, VR/AR, drones, robots y smart assistants

(Google Home y Amazon Echo). SETAR ta hopi involvi den educacion na Aruba y pa varios aña ta un colaborador importante pa e Universidad di Aruba cu varios proyecto educativo y informativo.

Riba e potretnan por mira e team di SETAR cu a consisti di Diederick Robles, Merienys Frances, Erwin Dania y Ivo Dongen





ALLTOCAR

☎ 744.59.07
📍 LG SMITH BLVD 114

TRUCK TIRES & INSTALATION SERVICE

#1 TIRE IN AMERICA

11R22.5 ^{AWG}
499



295/80R22.5 ^{AWG}
549



295/80R22.5 ^{AWG}
499



7.50R16 ^{AWG}
265



7.00R16 ^{AWG}
295



8.25R16 ^{AWG}
396



155R12C ^{AWG}
7499



35% MORE STEEL MESH
18 - 16 PLYS

¡TUBE INCLUDED TOO!
¡INSTALATION INCLUDED!





24/7 ROAD SERVICE

564.36.40

Vuelonan for di Aruba tambe ta conta aden

Maletanan riba control di vuelo 100% ta wordo habri completamente sin cu e pasahero tey presente

Maleta di viaheronan riba vuelonan di control 100%, ta wordo habri actualmente pa douane riba Schiphol for di e bista di e viahero. Anteriormente esaki a ta tuma lugar den sala di yegada, den presencia di e pasahero. Por lo tanto, e viaheronan por haya un carta di Douane den nan maleta. Esaki a tuma lugar cu un persona, kende nos ta yama Vincent, pa proteha su identidad, kende tabata bin for di un vakantie for di Corsou.

Na momento cu el a yega bek Hulanda, el a haya un carta den su maleta. Su maleta a wordo habri den e oficina di Douane door di nan. Vincent no a haya nada leuk cu Douane a coba den su cosnan, sin cu e mes tabata tey presente. Su maleta ta priva, Vincent ta bisa Wouter di Telegraaf.. "Y dicen Douane no por habri maletanan sospechoso den e sala di yegada? E ora abo como doño ta keda gewoon para na banda."

Keho
Vincent no a tolera y a entrega un keho. Douane



mes ta bisa cu nan no a haci nada robz y a procede segun ley. E control riba maletanan riba vuelonan di control 100% ta wordo haci desde un aña pasa den e deposito di maleta, sin cu e viahero tey presente.

Claridad

Wouter y Vincent ta haya cu lo ta bon pa avisa di antemano kico lo wordo haci durante un control 100%. Ta pa e motibo ey nan ta haya cu Douane mester informa e viaheronan mihor. Douane a priminti di haci esaki. "Riba nan website y den nan app "Douane


reizen" ta para cu bo maleta lo wordo controla si bo no tey presente. Dentor di poco lo bay tin borchis di Douane na tur gate na Schiphol, unda cu e vuelonan di 100% control ta baha," Wouter a skirbi. Ambos cabayero a keda contento cu e adaptacion

aki. "Pasobra e controlnan aki ta un muestra, pero ta un sorpresa fastioso den maletanan cu no tin nada aden." E controlnan di 100% ta conta pa vuelonan for di Surinam, Aruba, Boneiro, Corsou, St. Maarten y Venezuela.

Motociclista y pasahero a accidenta ora e brake di e motorcycle a kibra



Diadomingo mainta a drenta informe di un accidente cu hende herida na e crusada Middenweg – Hendrikstraat. Mesora a dirigi tanto polis como ambulans na e sitio. Na e yegada di e patrulla a bin compronde cu aki ta trata di un accidente cu dos persona riba un motocicleta cu su brake a kibra den careda y a bay dal riba e rolluik di un negoshi.



Tanto e motociclista y pasahero a resulta herida. E pasahero, a haya unicamente dos raska chikito, mientras e motociclista manehador si haya mas herida na su pia y su bil. Na e yegada di e ambulans a atende e motociclista manehador y a transporte pa hospital.

ARUBA DEN ANTICIPACION PA GIOVANNI CLASSIC

Dia 25 y 26 di Augustus ta tuma lugar den e prestigioso Ballroom di Aruba Marriott Hotel e competencia Internacional di Fitness Giovanni Classic.

E competencia aki a wordo propaganda mudialmente ariba tur media cu ta cubri actividadnan di IFBB INTERNACIONAL como un di competencianan mas importante ariba nivel mundial. Aruba y tur loke tin pa ofrece e bishitante a profila den tur e promocionnan. Video y clipsnan di Aruba a circula internacionalmente den media na 194 pais.

Esaki a trece cune cu Aruba ta bay haya bishita di atletanan, famianan, amistadnan di e atletanan amateur y profesional y di fansnan di e proffesionals.

E motor tras di Giovanni Classic ta Giovanni Arendsz y su team cu ya tin experiencia amplio den organiza competenciana internacional pero pa prome biaha ta organizando un competencia profesional. Organizadornan ta expect cu entre 200 pa 300 kamber reparti entre e hotelnan na Aruba lo ta ocupa cu hendenan cu ta bin en conexion cu e competencia aki.

Esaki sigur lo ta un contribucion na hotel, restaurant y e industria di turismo y economia di Aruba. E intencion ta pa sigi promove e

competencia aki y cu den futuro e cantidad di bishitante pa Aruba en connecion cu e competencia aki sigi subi.

E competencia aki no lo tabata posibel sin e partner strategico Lotto pa Deporte y otro sponsornan cu ta kere y sostene e vision di SPORT TOURISM pa Aruba.

Pueblo di Aruba ta keda invita pa bin wak e competencia. 30 pais a registra nan participacion y cada pais lo bin cu mas di 6 atleta aki ta algun di pais nan cu lo ta den e campeonato ; Hulanda, Merca, Colombia, Venezuela, Bahamas, Trinidad,

El Salvador, Argentina, Spaña, Chile, Curaçao, Republica Dominicana, Brazil, Poland, Angola, Zimbabwe, Aruba Kaarchi ta obtenibel na Hardcore Fitness Center Ritz pariba y pabao di brug DH Nutricion y Gianni's Nutrition.

HÖER SMART EYE TECHNOLOGY

36B20L REGULAR PRICE 99⁹⁹ AWG **OUTLET PRICE 39⁹⁹ AWG**

58R REGULAR PRICE 129⁹⁹ AWG **OUTLET PRICE 99⁹⁹ AWG**

24R REGULAR PRICE 119⁹⁹ AWG **OUTLET PRICE 119⁹⁹ AWG**

55D23R REGULAR PRICE 119⁹⁹ AWG **OUTLET PRICE 119⁹⁹ AWG**

KIA RIO
JEEP WRANGLER

SUZUKI IGNIS
TOYOTA TERCEL
HYUNDAI ACCENT

HYUNDAI / i10
KIA / PICANTO

HONDA ACCORD
NISSAN VERSA

THE BEST QUALITY STANDARD GERMAN CAR BATTERIES

ALL TO CAR YOUR FACTORY OUTLET STORE!

LG SMITH BLVD 114 744.89.57

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Disturbionan na Companashi a sigui cu destruccion intento di asesinato, menaza y mas detencion



Despues di a pleita discuti, insulta y comete destruccion e problema na Companashi a sigui unda cu a manda auto riba hende y menaza

hende. Polis no a vacila y a actua mesora deteniendo esnan culpabel di menaza y intento di asesinato. A papia cu hasta tabata tin arma

di candela den e asunto pero nos no a logra confirma esaki.

Un pelea formal cu destruccion na Kamerling Onnestraat



Diasabra anochi a drenta informe di un pelea formal cu destruccion na Kamerling Onnestraat Mesora a dirigi un patruya na e sitio. Na caminda pa e sitio a drenta informe cu e pelea aki ta andando na Reamurstraat. Patruyanan a ser desvia pa bay na e sitio ey. Na e yegada di e patruya a bin encontra un Toyota Yaris color berde cu e windshield di patras completamente destrui.

E habitantenan a informa polis kende ta esun cu a hasi esaki. Ora nan tabata informando polis di kende e sospechoso ta, e ruman homber di e sospechoso ta cana yega na e sitio. Pa su mesun bon y pa e seguridad di un I tur, a bisa e ruman aki pa e bay su cas y bisa su ruman pa bin entrega su mes.

Ora polisnan a termina na Reamurstraat, nan a bay na Nobelstraat y a bin topa e sospechoso net yegando



su cas. Polisnan mesora a detene y a bay cune na warda di polis.



Nutricion, Clave pa un bon salud



Hiba un diet sano a lo largo di bo bida, ta yudaob preveni malnutricion den tur su formanan, mescos cu distinto enfermedadnan no transmisibel y diferente afeccion. Sin embargo, segun e Organizacion Mundial di salud, e aumento di e produccion di alimentonan procesa, e urbainsacion rapido y e variacion den e estilonan di bida, a duna luga na un cambio den e habitonan alimentario. Awo ta consumi mas alimento hipercalorico, mas vetnan satura, mas vet di tipo trans, mas sucu liber y mas salo of sodium: ademas, tin hopi mas hende cu no ta come

suficiente fruta, berdura y fibra dietetico, manera cerealnan integral. E composicion exacto di un alimentacion saludabel, ekilibra y varia ta depende di e necesidadnan di cada persona (manera di bo edad, sexo, habito di bida, ehercicio fisico), e contexto cultural, e alimentonan disponibel localmente y e habitonan alimentario.

Salo, sodium y potasium
Mayoria di hende ta consumi demasiado sodium den salo - di 9 gram pa 12 gram diario, segun WHO - y no consumi suficiente potasium. Un uso eleva di salo y insuficiente di potasium ta contribui na

hipertension arterial, cu, di su banda, ta aumenta e riesgo di enfermedad coronario y accidente cerebrovascular. E por evita 1,7 miyon di morto anual si e consumo di salo reduci na e cantidad recomenta: menos di 5 gram diario.

Adulto
E composicion exacto di una alimentacion saludabel, ekilibra y varia ta depende di e necesidadnan di cada persona (por ehempel, di su edad, sexo, habitonan di bida y ehercicio fisico), e contexto cultural, alimentonan disponibel localmente y e habitonan alimentario. No obstante, e principianan basico di

alimentacion saludabel ta smper e mesun. Nestle ta pone enfasis den cinco habito: move mas, scoge variedad y nutricion, bebe mas awa, maneha e porcionnan y come y cushina den famia.

Bishita un nutricionista Team, un compania experto den solucionnan di alimentacion y comprometi cu bienestar si cu clientenan, ta

recomenda bishita frecuentemente na un nutricionista pa conoce cualnan ta e alimentonan cu ta rekeri bo organismo y den ki porcion. E specialistanan aki ta yuda na construi habitonan di alimentacion saludabel y planifica cuminda pa mehora bo salud y preveni enfermedadnan, segun bo gusto y necesidadnan.



BRIYANDO FUERTE • TRECIENDO CLARIDAD

Tipline: 585 9500

e-mial: solodipueblo@gmail.com



TEAM 99 A PONE TEAM MADIKI BIRA "MA'FINI"!!



Kudawecha/Calabas Square Garden – Diasabra ultimo den e ya mundialmente famoso Domino Square Garden na Calabas, esta 99 Bar & Restaurant, un suseso a pasa cu ni e team di Alemania y ni Hollywood lo kere cu por ta posibel! Sinembargo, bou guia di e mente strategico di Dr. Han mester admiti cu "wat Han kan, kan Han alleen"!! E conosido trabuconan di Madiki Kavel a bin e famoso Domino Square Garden na Calabas/Kudawecha pa enfrenta e team di cas, esta Team 99 di 99 Bar & Restaurant. Cu belayen Madiki a cuminsa suta piedra bay off man'e cu no lo tin mayan! Den un frega di wowo half time a bati y Madiki ta dilanti cu score impresionante di 11-6!! Despues di un bon pauze caminda publico y hungado por a goza di e eskisito snacks nan di Han, e "massacre" di Team 99 por a continua. BLAM-BLAM-BLAM piedra ta bati mesa y sensacionalmente Madiki Kavel ta dilanti cu score di 17-11!! Un harimento, un cherchemento, un celebracion di otro mundo den militancia di Madiki! Nan ta bende cuero di bina mientras cu solo no a baha ainda! Den skina



doño di luga ta hari so y ta kinipi wowo cu nada menos cu Dr. Dirksz bisando esaki "los e torpedo numa...release the beast!!". Basta hunta manteca na boca di pushi! Negoshi a draai bon y "It's time to separate the men from the boys!". Dr. Hantalosesicarionan... BOEM 17-12...BLAM-BLAM 17-13...hesuseee...17-14....wanta duro...17-15....e ta hasi dolor?... un tiki so...17-16...y finalmente Madiki Kavel ta sinti e "prikkie" ora sensacionalmente Team 99 ta empata na 18-18!! E conosido Betto "cas hende" lo drenta buki di historia awo como "Betto bolter mesa", ora cu ora di gana su wega e ta bolter mesa! Sinembargo kico

pa conta? Tur piedra a spart y wega mester wordo hunga di nobo y awo ta Team 99 ta gana! E rabo di porco ta bezig ta krul shonnan na un manera nunca bisto! Team Madiki Kavel ta tembla manera lagadishi cu a haya piedra di stichi! Ainda nan ta kremencha un punto mas, pero Fayong cu Tinchin tin e señanan di Madiki bon studia y ta mand'e score pa 20-19, y na final Dr. Dirksz, kende hunto cu grandmaster Yoyo ya tin 6 wega gana caba, ta pone Madiki bira Ma'fini cu e comeback di ciglo, ganando cu score di 21-19!! Euforia y histeria total cerca Team 99 y su fanaticada, y ta manera Dolf ta bisa "we don't come from



behind, we attack from behind"!! Shonnan keda pendiente pasobra t'awo tin co' n'e unico Domino Square Garden na mundo, 99 Bar & Restaurant na Calabas/Kudawecha!

Hoben aparentemente bao di influencia di un of otro substancia a busca pleito cu tur hende, hasta cu polis!



Diadomingo madruga a drenta informe di cu tin un pelea andando na e retonde di Paradera. Mesora a dirigi patruyanan na e sitio. Na e yegada di e patruyanan na e sitio a bin compronde cu e grupo di hobennan tabata sinta bao di un mata ta chill y un persona aparentemente bao influencia di un of otro substancia a presenta y a cuminsa

busca pleito. Esnan presente a bisele pa e mihor bay for di e sitio. Na e momentonan ey e ruman di e sospechoso a yega subi e auto y bay cu esaki lagando su ruman atras. E sospechoso a cana bay direccion pabao. Polis a bay buske y a encontra cune na e retonde Tanki Leendert. Ora cu polis a bay atende cune, ela bira agresivo y a cuminsa

insulta e polisnan na e peor forma. Ora cu polis a bay detene esaki a resisti y a sigi cu su insultonan baho. Ora e vehiculo di transporte a bini pa buske, na momento cu e mester a drenta den e vehiculo di transporte e sospechoso a scupi e agente cu a detene promer.

Homber deteni despues di a bay busca problema cerca su ex, kedando na un hotel na Eagle Beach



Diasabra anochi a drenta informe di un pelea na un hotel na Eagle Beach. Mesora a dirigi patruya pa e sitio. Na yegada di e patruya a bin compronde cu aki ta trata di un pelea unda un ex a bin busca problema cerca e muher cu tabata kedando den un camber na hotel. Mesora polis a detene e ex aki y a hibe warda di polis pa atende pa cu su comportacion.

Incidente na e cas cu a kima e dia anterior na Celciusstraat



Diasabra atardi a drenta informe di un incidente na e cas cu a kima e dia anterior na Celciusstraat. Mesora a dirigi tanto polis como ambulans pa e sitio. Na yegada di e patruya a bin compronde cu un persona cu tabata haciendo e trabaonan di reparacion a cay for di e trapi y a herida su mes cu un kap na cachete. Na yegada di ambulance nan a atende e victima y a transporte pa hospital.



Thee di casca di mandarin, un remedi pa drumi den cinco minuut

Tin biaha pa concilia soño ta resulta hopi difícil pa algun persona. Esaki por ta pa motibo na hopi rason manera stress of desorden di soño. Awe, den nos espacio, nos lo papia riba un remedi pa drumi hopi efectivo: Thee di casca di mandarin. Si bo ta esnan cu ta pasa un bon rato ta bira rond riba cama, un thee di casca di mandarin lo hacibo drumi den cinco minuut. Pero, bo sa kico ta causa di bo insomnio? Ta hopi importante pa determina e causanan pa bo por elimina e problema aki for di su reis y recupera bo soño reparador.

Kico ta insomnio?

Insomnio ta un trastorno ta un trastorno di soño hopi comun. E ta sosode ora cu un persona no por concilia e soño. Esaki ta haci cu e ta drumi poco y ora e lanta, e ta sinti cu e no a descansa lo suficiente. E falta di soño ta provoca cambio den e organismo manera e falta di energia, fatiga, deficit di atencion y irritabilidad. Mara na esaki, algun proceso regular den nos curpa ta wordo afecta pa e poco oranan di descanso.

Ta existi algun producto farmacologico pa combati insomnio. Sin embargo, esaki por crea dependencia y desorden den nos curpa. Ora cu consumi cu hopi frecuencia y ta crea un adiccion, ora cu laga esaki, ta posibel cu insomnio por reaparece di manera mas severo.

Pa evita efectonan secundario y adiccion, no tin nada mas miho cu e alternativanan natural. P'esey awe nos lo bay contabo con pa traha un delicioso thee di casca di mandarin como remedi pa drumi.

Cualnan ta causa di insomnio?

Tras di insomnio por tin diferente causa. Algun di nan ta inclui:

- Stress
- Depresion
- Preocupacion
- Problemanan familiar
- Problemanan financiero
- Traha anochi
- Biaha distancianan largo cu cambio di orario constante
- Ansiedad
- Uso di aparatonan electronico y otro distraccion durante anochi

Beneficianan di e casca di mandarin

E casca di mandarin tin multiple beneficio. Trata e problemanan di indigestion, stress, ulcera gastrico y ademas, ta disminui e colesterol y glucose den sanger. E ta yuda desintoxica e higray fortalece e sistema inmunitario.

E cantidad di antioxidante cu e ta contene, tambe ta yuda combati griep y verkoud. Adicionalmente, danki na su propiedadnan antiinflamatorio ta excelente pa calma e dolor y hinchason.

Thee di casca di mandarin como remedi pa drumi

- Ingrediente
- 1 Cup di awa (250ml)
 - 1 cuchara di canebloem seco (15g)
 - 1 cuchara di lavanda seco (15g)
 - 1 cuchara di valerian seco (15g)
 - Casca di un mandarin fresco

Preparacion

- Coy un weya y

pone e ekivalente di un cup di awa pa herbe

- Ora cu e yega na e punto di herbi, añadi un cuchara di canebloem of manzanilla seco, lavanda seco y valerian seco.
- Finalmente agrega e casca di mandarin y laga e mescla herbe pa algun minuut

- Bebe e thee cayente net prome cu subi cama

- Den solamente cinco minuut lo bo nota cu esaki ta un remedi excelente pa drumi, ya cu e casca di mandarin lo actua directamente riba un di e causanan di insomnio: stress.

Si bo ta sinti bo mes den calma y relaha, lo ta hopi mas facil pa concilia e soño. Purba di despeha bo mente y saca for di dje tur e pensamentonan angustioso cu ta genera ansiedad y depresion, vooral den oranan di anochi.

Ta importante pa bo sinti



cu anochi ta pa drumi. Una bes cu bo tuma conciencia di esey, lo bo aparta mal habitonan cu e insomnio ta produci. No traha di nochi, laga aparatonan electronico un banda y concentra den relaha.

Duna un descanso na bo pensamentonan, di lo contrario, lo bo no por concilia e soño. Si bo tin algun problema, no medita demasiado anochi pasobra no tin hopi cu bo por haci al respecto na e momento ey. Lo ideal ta pa bo repone forsa pa e dia

siguiente bo porpensa cu claridad con pa resolve y enfrenta bo problemanan. Si bo ta sinti cu bo problema pa concilia soño ta bira pio, no duda den consulta na un especialista. Elo indicabo na terapianan di relajacion, meditacion y lo yudabo haya e reis di bo problema. Corda cu semper bo por haya ayudo, no ta necesario cu bo enfrenta bo insomnio bo so y cu poco herment.





Pelea entre Jose Mourinho y Josep Guardiola a agrega un capitulo nobo: "Clase no ta cumpra"

E entrenador di Manchester United, Jose Mourinho, a critica e falta di "clase" di Manchester City, despues di e emision di un documental riba e exitosa temporada di e 'Citizens', e curso pasa, den palabranan difundi diadomingo ultimo pa prensa Britanico.

Mourinho no a gusta e prome di e ocho episodionan di e serie "All or Nothing", difundi pa Amazon, cu ta relata e ultimo seimannan di e temporada 2017/2018. "Mi no a wak'e, pero mi sa algun cos riba e serie. No ta necesario di ta irrespetuoso pa haci un pelicula fantastico," Mourinho a señala, kende a aparece den varios ocasion a lo largo di e episodio, specialmente na momento di e derbi gana pa "Red Devils" na April, cu a retrasa e titulo di su rivalnan.

E tecnico Portugues ta wordo refleha como defensivo, mientras

cu Pep Guardiola ta wordo muestra como un entrenador cu ta predica e futbol di atake. "Mi reaccion ta cu si bo ta un club rico, bo por cumpra hungadonan di nivel halto, pero bo no por cumpra clase. Esey ta mi prome reaccion," "Mou" ta añadi.

"E di dos reaccion ta cu, como cu mi ta aparece den e pelicula, mi por pidi derechonan di imagen. Pero si nan mandami un di e jerseyman cu tabata tin den e tunnel, cual ta bisa "nos a haci'e riba e dia di derby," mi ta renuncia na e derechonan," el a ironisa den e alusion di e jerseyman perpara pa esnan ci City pa un eventual celebracion di titulo riba e dia di e partido contra United.

E palabranan di Mourinho a yega prome cu Manchester United a cay 3-2 na Brighton y a sufri su prome derota di e Premier League.

Diadomingo, e entrenador di Manchester City, Josep Guardiola,



a pacigua e animonan respecto su bisiña tras e victoria di su ekipo pa 6-1 contra Huddersfield.

"Ta berdad, bo no por cumpra clase. Mi ta di acuerdo cu Jose. Mi ta kere nos tabata tin un temporada pasa increibel. Nos

a haci'e pa nos meritonan," el a señala. "Ta e opinion di Jose. Otro persona lo bisa cu e lo a gusta algo, otronan lo bisa cu no. Pero mi ta di acuerdo cun'e, clase bo no por cumpra," el a añadi.

FIFA a habri un investigacion pa e escandalo di reventa di ticket di e fase eliminatorio di mundial

Esaki a yega riba e lessenaarnan di FIFA. E instituto principal di futbol mundial ya tin e file di e caso di escandalo pa e rebenta di ticketnan den e fase eliminatorio di Rusia 2018, unda cu ta vincula e Federacion Colombiano di Futbol hunto cu e empresanan di ticket Ticket Shop y Ticket ya.

Esey ta loke Maria Claudia Rojas, e presidente di e comite di Etica di FIFA a confirma, den dialogo cu e corand Marca. "FIFA habri un investigacion preliminar riba e problema. Awo e comite mester tuma un decision. Si prueba e vinculo, lo sigui un siguiente instancia riba e caso aki. Di contrario, lo cera e dossier," el a muestra.

No obstante, Rojas, debi na su nacionalidad Colombiano y vinculo cu algun miembro di e Federacion Colombiano di Futbol, a declara su mes impedi pa e caso. E Superintendencia di e Industria y Comercio (SIC) a resolve dia 30 di Juli ultimo den habri un

investigacion y formula pliego di cargo contra e Federacion Colombiano di Futbol (FCF), dos empresa y 18 persona pa e forma con e e contract a wordo adhudica y ehecuta pa e benta di ticket di e partidonan di e seleccion durante e partidonan clasificatorio durante Mundial.

E empresanan vincula den e proceso ta Ticket Shop y Ticket Ya y entre e personanan ta haya miembronan di e comite ehecutivo di FCF manera Ramon Jesurun, Alvaro Gonzalez, Jorge Perdomo, Alejandro Hernandez Hernandez, Claudio Cogollo, Elkin Arce y Luis Bedoya (ex miembro di e organo, involucra den e escandalo di corrupcion conoci como FIFA Gate). Otro personanan involvi den e caso ta cercano of ta haci parti di Ticket ya, manera Elias Yamhure Daccarett y Rodrigo Rendon Cano.

Den poco palabra, SIC ta argumenta cu taabta tin un suerte di confabulacion entre



e tres partinan (Ticket Shop, Ticket Ya y FCF) pa e entrega di contracto di benta di ticket ora cu e propio analisis di e Federacion (manera di un tercero) tabata duna como ganado di e proceso un otro empresa (Primera Fila). Igualmente, e Superintendencia ta sigura cu e empresanan a ricibi

informacion privilegia prome cu apertura di e proceso, nan tabata por a drecha nan propuesta economico incluso despues di e ceramento di e proceso y den suma, tabata posibel cu nan a bay cu un bon termino di e contracto, dentro di e parametronan di ley.

CON TA PARA CU E PROTECCION DI NOS CORALNAN?

PARKE MARINO!

(e version original a ser publica na aña 1993; esaki ta un version hopi mas cortico)

Prome cu contesta e pregunta aki, mester determina den cua formanan e formacionnan coralino y nan habitantenan ta ser menaza.

1. **UPDATE 2018:** Si encaso e refineria habri atrobe!: Entre e destructornan mas grandi di nos coralnan ta pertenece e refineria cu dia tras dia ta manda sustancianan masha peligroso pa lama. Ademas, binticuatro ora pa dia productonan petrolero – cu kisas a desaparece den tera 80 aña pasa – ta sijpel for di tera bay den nos awanan salo. Y ningun hende sa kico precisamente ta bay lama na e manera aki.

Si encaso e refineria bay atrobe den funcion, mi ta spera cu Dienst Technische Inspectie y Direccion di Salubridad Publico lo bay controla estrictamente ki sustancianan ta sali for di e 'separator' y drenta lagun.

2. **ANTES:** Henter San Nicolas y cientos di cas na Zeewijk, Savaneta y Pos Chikito ta laga nan awa sushi bay lama. Awor, si ta trata solamente di awa di cushina y toilet, e daño na e animalitonan

extremamente vulnerabel lo keda limita. Pero ta casi sigur cu tin tambe tur sorto di sustancianan agresivo den e awa – di p.e. azeta y gasolin te na 'Easy Off' y otro detergentenan venenoso.

3. Demasiado hende ta carga e idea cu e lama ta un dump grandisimo. Tur clase di sushedad nan ta tira aden; di matras y frigidair te na bacteria di auto y bleki di cerveza. E fondo di lama na Mangel Halto, Malmok y Arashi ta tapa bao di cups di plastic. E saconan di plastic hopi vez ta ser mira pa un medusa (kwal) of otro presa y consequentemente ta ser comi pa pisca y tortuga.

4. Tur siman cientos di turista ta baha den profundidad pa admira nos bida marino. Den esaki nan por destrui e coralnan di e siguiente maneranan:

a) para riba nan of mishi cu nan na otro manera – p.e. cu man, flipper of rudia;

b) baha te na un distancia hopi cerca di e fondo – pues di tal manera lanta santo y polvo cu despues ta baha riba y mey mey di e poliponan. Si esaki sosode repetidamente, e lo significa e final di e colonia.

c) sacando concientemente uno of mas 'souvenir' for di lama – p.e. un pida coral bunita. Na Maldivas y den e parke marina Pennekamp na Florida turistanan a laga gran parti di e formacionnan coralino bashi. Cerca nos hopi vez nan ta coy strea di lama como 'souvenir' – pa despues di un algun dia bent'e afor pasobra e a cuminsa hole stinki!

Nos por conclui cu e instructornan cu ta hiba turistanan busea, ta carga un responsabilidad grandi. Ta nan tarea pa evita cu e hendenan

menciona, ta mishi di un of otro manera cu e coralnan y otro habitantenan di e rif.

5. Esnan cu mas tanto ta gana nan pan cu e coralnan, ta pertenece tambe na e grupo di destructornan mas grandi di e mesun coralnan – esta, e instructornan di buseo ya menciona. Di e siguiente maneranan nan ta causa daño:

a) Den mayoria caso nan ta tira anclo riba e coralnan. Pues, prome cu e anclo pega (POR SUPUESTO DEN UN PIDA CORAL), e a lastra varios metro den e veld di coral – lagando un rastro di destruccion atras. Y hisando e anclo for di fondo, atrobe pidanan grandi di coral ta ser kibra. E mesun storia lamentabel aki ta conta tambe pa e piscadornan patras di e rif.

b) Nan ta permiti regularmente cu nan clientenan ta destrui e coralnan y saquea nos lama.

6. Nos isla conoce cientos di hende cu, mayoria vez pa HOBBY y ganando placa sin paga impuesto, ta bay tira un liña tras di cay y mas lew. Pa e consecuencianan, mira punto 5a. Of nan ta pone un canastro mey mey di e coralnan – atrapando asina e piscanan mas chikito (p.e. e maraviyoso 'four-eye butterfly fish') te na e conglan berde mas grandi – pa despues bolbe tira nan den lama, por supuesto morto. Casi tur dia tin jovencitonan entre 15 pa 20 aña riba e coralnan, tirando pisca. Cu nan ta actuando contra e ley cu ta prohibi tira pisca di coral ya caba riba su mes ta bastante grave; peor ta cu nan ta mata tambe e piscanan di mas chikito (pues cu no a haya oportunidad

pa reproduci), djis pa 'train'. Mi a mira esaki cu mi propio wowonan y tende esaki cu mi propio oreanan. Te hasta e persona cu menos cerebro mester por razona cu e animalnan mester haya un chens pa reproduci, prome cu nan ser mata. Ta obvio cu esaki ta conta tambe pa calco y especialmente kreeft. Ta unicamente e institucion di un parke marino, cu un control estricto, lo por scapa e sortonan aki. Pero den e encuentro di 15 di agosto na Paradera e piscadornan presente tabata totalmente contra introduccion di tal parke. Simplemente nan kyer mantene e 'free for all' cu ta existi awor – unda nan por hasi y deshasi na nan antoho. Nan kyer sigui sakea e lama manera cos cu no tin mayan ("si ami no coy e kreeft-ey, con chikito cu e por ta, un otro lo haci'e"). Nan no ta realisa nan mes cu e parke menciona ta na nan ventaha tambe. Pasobra sin hende pa caba cu e piscanan y otro especienan, esakinan lo haya oportunidad pa reproduci DEN e parke y NET PAFOR di e parke e hobbyistanan lo por gara mas pisca.

E seis puntonan menciona ta muestra bon cla cu nos coralnan ta bao presion

grandi. E mihor manera pa proteha nan, manera ya bisá, ta institui un parke marino. Desde Oktober 1992 (!!!) Parlamento tin den su posesion e 'ontwerp landsverordening marien milieu' cu ta habri caminda pa yega na tal parke. E pregunta clave ta (cu mi a hasi pues 25 aña pasa caba): ki dia nos representantenan lo bay traha tempo pa discuti e posibilidad pa introduci un parke marino? E parti financiero no mester bira un obstaculo asina grandi – si nos tene na vista cu mas o menos 150 turista ta baha busea tur dia. Si nos acepta awor cu esaki ta sosede 300 dia pa aña, anto ta 45.000 turista ta busea cada aña riba nos coralnan. Y si cada uno paga \$10 pa hasi esey (e asina yama 'one day pass'), anto e parke tin un entrada anual di 450.000 dollar.

Esnan cu tin nos naturaleza na pecho NO mester laga esnan cu awor, na 2018, ta grita contra e institucion di un parke marino, domina e discusion. Muestra nan riba e hecho cu hustamente un parke a lo largo lo duna nan mas beneficio, manera ya menciona.

Drs. Adi Rasmijn



TRAINING TAAL&REKENEN

"TAAL": GRAMMATICA 1, 2

(pa: alumnonan di 6de klas di school basico)

Dianan di training: aug 24,25,31; sept. 1,7,8,2018

Ora: 3:00 pm – 6:00 pm (diabierna)

Ora: 1:00 pm – 4:00 pm (diasabra)

Lugar: Club Don Bosco (Noord)

Docente : drs. Rudolf R. Kelly

Informacion:

562-2119/ 594-9771/ 585-9774.

Email: rr_kelly@yahoo.com

Booshi Wever di UPP:

MINISTER TA DUNA UN PLUIMPJE PA E COMERCIANTE AMIGO CU A MANDA TRAHADORNAN ILEGAL NAN PAIS BACK Y TA LABA MAN ATROBE!

Na 2011 Wetenschappelijk Onderzoek- en Documentatiecentrum (WODC) di Hulanda a presenta minister-president Mike Eman cu e resultado di un investigacion cu nan a haci riba peticion di sr. Eman y cu tabata tin como proposito pa incrimina e gobierno di sr. Nelson Oduber. Loke a resalta den e raport aki ta e problema grandi di "kleinschaligheid" di Aruba. Esaki kiermen e contacto casi directo cu e pueblo tin cu e gobernante.

En berdad cu Aruba ta chikito y un politico tin e oportunidad di siña conoce basta habitante di nos isla, pero e pregunta ta cuanto poder e persona humilde lo tin pa logra convence e mandatario pa sigui nan conseho of cumpli cu un fabor personal? E lo ta sosode, pero PRINCIPALMENTE door di esnan cu ta "fluister" nan exigencianan den e horea di mandatario. Esaki sigur ta wordo atendi y scucha debidamente, pasobra nan ta e gran sponsornan di e partido of ayuda e mandatario den su "hobbies" priva manera carnaval.

Diadomingo a tuma lugar un conferencia di prensa cu caracter di urgencia door di e mandatario encarga cu husticia. E prome punto cu a ser trata tabata ta un diferencia di opinion cu Ministerio Publico cu a atrobe laga un persona husga y haya culpabel pa pedofilia, bay cas prome cu tempo. E minister a declara di ta indigna cu e forma cu e decision a tuma lugar y cu esaki a sosode fuera di su conocimiento. Ta hopi strano cu Andin Bikker ta bin cu un ponencia asina fofu, pasobra e cambio di ley aki a pasa den Parlamento sin un voto contra na 2014!! Y esaki despues di un trayectoria basta largo di estudio y discusion. Minister Bikker tabata miembro di Parlamento y pues e tabata hopi bon na altura di e cambio aki, y te con leu cu nos por a averigua ningun amienda a ser presenta pa evita e cambio den ley aki y/o un aumento di castigo pa casonan di pedofelia.

Aparte di esaki e pregunta ta



si OM lo tabata tin e obligacion pa comunica e minister riba aplicacion di ley den casonan individual. Te asina leu cu mi sa OM ta un organo independiente cu lo por tin su mesun maneho cu obviamente mester wordo responsabilisa na fin di cuenta si a base di nos leynan vigente y manera menciona, nan a sigui e ley di 2014. Un biaha mas nos mester a tuma nota cu a tira culpa riba e gobierno anterior. Despues di 9 luna ainda por tira culpa riba e gobierno y mandatarionan anterior? E minister actual sa masha bon cu no ta di awor cu KIA ta yen y mester a tuma cierto decisionnan pa laga personanan sali den libertad mas prome cu tempo, despues cu nan sinta 2/3 parti di nan castigo. E lo por a traha proactivo y acerca esnan cu ta atende cu e materia aki pa delinea kico e maneho lo mester bira. Mester warda te ora cu e baca hoga pa e ora ey bay tira culpa riba riba Ministerio Publico cu a actua conforme ley cu e parlamento na 2014 a vota na fabor, sin un voto contra?? Un otro "cheap shot" di e minister aki cu a sigui e mal ehempel di e ex-minister Schwengle cu tambe tabata sconde bou saya di otro.

E di dos punto ta trata e caso di un comerciante cu a tuma trahadornan ilegal na trabou y cu no a aprecia cu Warda nos Costa a bin haci un "inval" na su negoshi. Ela bira un bay bin di

informacionnan contradictorio, pero na fin di cuenta diferente trahador a wordo manda nan pais di procedencia bek. Den e caso aki e minister mes a declara cu ela wordo yama dor di un colega minister. Dicon no ta bisa mesora ta cua minister? Ta obvio cu ta Otmar, paso esaki tin un laso hopi estrecho cu e comerciante en cuestion, cu por cierto ta un otro di su sponsornan cu ta wordo privilegia grandemente. Ta pakico e colega a yama? E yamada ey no tabata pa saluda obviamente, pero sigur pa pidi un trato preferencial cu e ta custumbra di duna su sponsor.

Aruba ta en berdad chikito y den hopi ocasion e minister ta wordo involucra directamente den e maneho di e departamento cu ta cay bou di su responsabilidad. Loke ta remarcabel ta cu aki ta trata di un comerciante, cu tambe ta involucra den APA y den e parti di aeropuerto cu ta atende cu avionnan priva. Pues e pregunta ta, si den su propio compania e ta abusa di leynan local, kico por spera e ora di su funcionamiento den e dos otro instancianan. E ta un persona di confia?

Algo cu a hala nos atencion ta e hecho cu Minister Bikker a declara cu ela haya mas di 6000 peticion pa estadia/trabou pendiente tranca y cu ela logra baha esaki ta na 1500. Esta cos di gaba!! Esey kiermeen cu ela otorga mas di 4500 permiso? Ta ken su culpa

esaki ta awor? Cuanto di esakinan ta a base di e 2000 "ontheffingen" di Paul Croes?

Wel wel, esaki ta cu permiso di DPL? E minister di Labor sa di esaki? Bay ta un minister balente cu ta prefera stranhero riba yunan di tera. Akita Andin Bikker "himself" a duna dispensacion na miles di ilegalnan cu mester a wordo debolbi na nan pais y cu probablemente pa un periodo basta largo no a aporta cu ni un debchi na e caha di gobierno. Y lo no straña nos cu mayan nan lo haya permiso pa trece full nan famia Aruba tambe.

Tur partidonan cu ta sostiene e gobierno aki durante e campaña a laga sa di tin un plan concreto pa soluciona problemanan cu e gobierno anterior a laga atras. Practica di tur dia ta indica sinembargo cu parece cu nan ta bezig cu "micromanagement" y cada bes mester inventa e wiel di nobo.

Pero colmo de los colmos ta ora mi scucha e minister balente elogia e comerciante/famia/amigo, cu ta e mes a paga pa e ilegalnan sali for di Aruba, cu by the way, ta su OBLIGACION. Indirectamente e minister a duna e comerciante cu a comete un infraccion contra nos leynan, un "pluimpje", pasobra ya caba esnan ilegal a wordo manda cas. Cuestionabel ta sinembargo e hecho cu e minister atrobe ta laba man, mescos cu e caso di e pedofilnan cu a wordo laga den libertad, prome ta trahador di KIA y awor ta OM.

Pero manera tur "sprookjes" di e gobierno actual, esaki tambe lo tin un happy ending: colorin colorado este cuento se ha acabado. ARUBA, QUO VADIS!!

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan

Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

NUMBER SOLO DULO 3

Lotto Merdia Augustus 20

CATOCCHI
Sorteo # 2305
3006
5125
8390
BIG 4
Sorteo # 2305
6571
OFF
Sorteo # 361
2098
ZODIAC
Sorteo # 2305
3145
Leo
LOTTO DIA
August 20 07 13 22 26 28

Lotto Anochi Augustus 20

CATOCCHI
Sorteo # 2125
1145
5498
2440
BIG 4
Sorteo # 2125
3968
OFF
Sorteo # 181
2098
ZODIAC
Sorteo # 2125
3145
LEO
LOTTO 5
August 18 01 07 10 12 23 33 F

DIARIO

Augustus 20

1. 9660
2. 9442
3. 2620

SUPER 4

1030

CURACAO

Augustus 20


1. 3285
2. 1781
3. 9606

Flamingo

Augustus 20

1. 8632
2. 4535
3. 0058

PUEBLO A HAÑA SU PEN BEK



Pa kualkier informacion
solodipueblo@gmail.com
of
☎ 585-9500

TA BENDE

Drum set
bunita,
blauw y zilver
Tel : 585-8281
Cel : 5657693

TA BUSCA

Pa cumpra
un Cabai
manso
Tel: 7412419

BBQ GRILL

tipo bari

Solamente Afl:250,=

Probecha,
Stock ta limita!

Info

569- 7787

(nos por entrega).



FOR SALE

Chevrolet Spark. 2012

Low KM. Aut/No AC

Full Mantenaice

Awg: 6.500

(negociable)

Cell:

7450440

Pa bo
matanan

ta berde y bunita

Gordura

di bon calidad. Alf 8,= pa saco,
cumpra 10 ta delever gratis.

Tel.

592-6209

TA BENDE



Auto

Infiniti 937S

Coupe 2009 top
condition. Low miles.

Por financian.

Corolla S.2015 y 2016 ,
ultima 2016

Rx8 motor mester
overhaul.

Tin mas auto y Parts
pa bende. Por jama na

5615987

Nos Snack Dushi cuminda



Pidi trempan

TUR DIA

Yama Dochi Lee na

5852585

SERVICIO Y COMPRA



Santa Cruz BARBERSHOP
 Mon-Fri: 8AM-9PM • Sun: 9AM-4PM
 T1.600-6673 • T2.592-1880

Professional tattoo
Pro Tattoo 2
 Santa Cruz 36 - A
 Tel: (297) 518 6012 - Cel: (297) 518 3946
 Oscar Vidal @PROTA2AUA

POWERLIFTING • BODYBUILDING
WARRIORHOUSE
 GYM

Situa na
 Santa Cruz 266
 Tel: 566-4478

HAIRCUTS • LINEUPS • FACES • STRAIGHT SLAYERS • DESHEMS
FRESH CUTZ BARBERSHOP
 SANTA CRUZ 103 - LOCAL 1
 585-0121 747-0121

Colandro's Grill
 Pa pedido yama 504-0635

DPC
Dijkhoff
 Pest Control
 SEROE PRETO 14K CEL: 5679166
 DIJKHOFFPEST@HOTMAIL.COM

MANTENCION DI JARDIN
 TA CORTA TUR TIPO DI MATA Y TRIM - SERVICIO DI PESTISIDA - TA TRATA MALEZA DI MATA PA TUR NOS CLIENTENAN - TA TRAHA JARDIN BUNITA - TA DESIGN JARDIN - LANDSCAPE CURA DI CAS OF NEGOSHI - TA DECORA CAS CU MATA Y FLOR - SERVICIO DI DRIPSYSTEM PA MUHA MATA - LIMPIESA Y CHAPI ENGENERAL
YAMA LINO'S GARDENS & CONTRACTORS
 CEL. 5944522
 KEN CONOCE TERA, MIHOR CU UN PORTUGUES??
 UN CAS CU MATANAN BUNITA, TA UN CAS ALEGRE!

RENTO PEST CONTROL
 BO TIN MOLESTIA DI SANGURA
 VRUMINGA, CACALACA, CARPATA,
 RATON DJAKA COMEHEIN OF PISPIS
 DEN BO MATA NAN??
YAMA 564-2775 NOS TA YUDA BO DESHASI DI TUR

VERHUIZING • MOVING • MUDANSA
RENT THIS TRUCK
 CUMINZANDO NA 75 FLORIN PA TRIP
 WHATSAPP / CALL: 749-3461

TA BUSCA
Phelo special N.S
 ta busca pa drenta den servicio inmediatamente pa diferente hotel:
 Persona local of hende documenta (edad 18 pa 50 aña)
 • House keeping (room -attendant)
 • Hende homber pa traha den laundry pero diferente shift (Rotate)
 • Cashier
 Preferibel pasa personal na e add: L.G. Smith
 Boulevard 116, Local D-12 **Tel: 588-9762**
 Horario : Dialuna pa Diabierna 8'or te 4:00pm non stop

SERVICIO SEPTIC
 Servicio di Septic Tank – Chica Pos
Yos Septic Tank
 Tel: 566-6144 / 748-2689
 Yos ta yega mesora y sigur!



TA BUSCA
 Ta Busca Tereno
 Di Afl 30.000,=
 bai ariba
 yama of
 whatsapp :
 563-2233

Sudoku

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

Sopi di letranan

O E O E B O B O O L C H
 H N I L T R O B H T A S
 B C O D Y A G H O S T G
 D O T M D N R B A T S N
 D H M A C G E O F U T A
 P U O A P E D E F T M F
 M U N U T R I C K O P M
 M D M K S E P H O E A A
 Y D C P H E S R C L R S
 W E I E K R B R D P T K
 N Y N E O I O O E P Y E
 C T F H O W N L U A A S

GHOST SPIDER CANDY CROW BLOOD BROOM
 PATCH HOUSE ORANGE BATS MASK FANGS
 APPLE TRICK PUMPKIN NECK PARTY MUMMY
 BOO CAT

PRONOSTICO DI TEMPO VALIDO TE DIAMARS 21 DI AUGUSTUS 2018

COMPILA:

DIALUNA 209 DI AUGUSTUS 2018 17:00 (21:00 UTC)
ATT: UN ALERTA PA BIENTO DURO I LAMA LOCALMENTE
BASTANTE BRUTO TA NA VIGOR...
TEMPO:

AWE ANOCHI: LEVEMENTE TE PARCIALMENTE NUBLA I
GENERALMENTE SECO
DEN MARDUGA I MAYAN: PARCIALMENTE NUBLA CU
LOCALMENTE UN AWACERO
TEMPERATURA MAXIMO 33 GRADO CELSIUS Y
TEMPERATURA MINIMO 27 GRADO CELSIUS.

SOLO LO BAH AWE NOCHI 06:57 PM Y LO SALI MAYAN
MAINTA 06:28 AM.
BIENTO: MODERA TE FUERTE FOR DI DIRECCIONAN
ENTRE

OOST I OOST- ZUIDOOST;

FORSA 4 TE 6 (20 TE 50 KM/ORA, 11 TE 27 NUDO)

DEN DIA DURO TE POSIBLEMENTE HOPI DURO DEN
RAFAGA;FORSA 7 TE 8 (51 TE 64 KM/ORA, 28 TE 35 NUDO)
SITUACION GENERAL DI TEMPO:DEN PROXIMO 24 ORA TEMPORALMENTE MAS NUBLA
POR PASA DEN REGION LOCALI PRODUCI UN AWACERO LOCALMENTE. MAS ALEU POR
BISA CU DIFERENCIANANDI PRECION DI AIRE DEN AREA DI CARIBE A AUMENTA
UN POCO PONIENDO CUBIENTO LO BAI SUPLA TEMPORALMENTE MAS DURO. UN
ALERTA PA BIENTO DUROI LAMA LOCALMENTE BASTANTE BRUTO TA NA VIGOR.
CONDICION DI LAMA:OLANAN DI LAMA LO TA FOR DI DIRECCION OOST CU
HALTURA DI 4 TE LOCALMENTE7 PIA CU E OLANAN DI MAS HALTO NA COSTANAN OOST,
NOORDOOST TE NOORDWESTDI E ISLA CAMINDA OLANAN POR JEGA TA 8 PIA. TA PIDI
USUARIONAN DI LAMAI OCUPANTENAN DI BOTO CHIKITO PA TENE ESAKI NA
CUANTA.

FENOMENONAN SPECIAL: NINGUN

TEMPO TROPICAL SIGNIFICANTE: NINGUN

POTENCIAL DI AWACERO PA PROXIMO 24 ORA: 1 MM;
LOCALMENTE POR VARIAREGISTRACION DI TEMPERATURA (CELSIUS) Y AWACERO
(MM) DEN

ULTIMO 24 ORA:

AIRPORT MAX 33 / MIN 28 / 0.0

PRONOSTICO DI TEMPO PA PROXIMO DIANAN DI SIMAN:

PARCIALMENTE NUBLA CU LOCALMENTE UN AWACERO.

BIENTO LO TA FOR DI GENERALMENTE DIRECCION OOST
IMODERA TE BASTA FUERTE; DEN DIA DURO TE HOPI
DURO DEN RAFAGA;

TEMPERATURA MAX / MIN LO TA: 33/27
E PROXIMO BULLETIN LO WORDO PUBLICA DIAMARS 21
DI AUGUSTUS 2018 17:00 (21:00 UTC)



GOBIERNO DI ARUBA

Ministerio di Turismo, Salubridad Publico y Deporte tin e tristo deber di anuncia e fayecimento di:



Marciano "Chani" Boekhoudt

Na bida miembro di D-Team y amigo campanador di Minister Dangui Oduber.

Nos mas sincero condolencia na e famia di e fayecido.
Esnan cu nos ta stima, nunca ta bay laga nos di berdad. Nan ta sigui biba den e bondad cu nan a comparti y den e amor cu nan a trece den nos bida.

Gradicimento

Pa medio di esaki famia Laclé kier a gradici tur esnan cu na un manera of otro a duna nos sosten, consuelo y forza durante e tempo dificil cu e fayecimento y entierro di nos defunto stima:



Sra. Vda. Damasa Laclé van der Biezen

Un danki na un y tur cu a manda carchi, krans, whatsapp, email, message via facebook of a haci yamada telefonico.

Tambe na Aurora Funeral Home pa cu su bon servicio y atencion.

Boso muestra di atencion tabata un gran Consuelo pa nos.

FUNDRAISING
GANA BO AUTO
SUZUKI ALTO GLX 2018

CU SOLAMENTE 1 FLORIN

SEGUNDO PREMIO 1 PASAJE PA MIAMI
TERCER PREMIO WEEKEND STAY

DIASABRA, 1 SEPTEMBER 2018
SORTEO VIA TOMBOLA
LUGAR CAS DI CULTURA
ORARIO 5:00 PM
AUSPICIA PA:

EVOLUTION **Queen**

GAMACION PA 30 DIA PA RECIBI NA SU PREMIO E FUNDRAISING TA PA COMISION QUEEN 8118

Diadomingo madruga a drenta informe di cu tin un persona sospechoso na e ATM



Diadomingo madruga a drenta informe di cu tin un persona sospechoso na e ATM di RBC na Palm Beach. Mesora a dirigi un patruya na e sitio.

Na yegada di e patruya a bin topa cu e persona sospechoso den e hoki di ATM y atende cune.

A bin resulta cu e homber sospechoso kier a lanta plaka for di ATM y esaki no tabata tin mas fondo y pesey ela rabia y tabata

trahando bruto cu e atencion y a core for di e mashin y polis a hala su sitio.

TA BENDE

Store display table
For sale!
700,- florin

Si bo ta interesa
pa cumpra, por yama na

748- 8280



The LORD is my shepherd;
I shall not want.
He makes me lie down in green pastures.
He leads me beside still waters.
He restores my soul Psalm 23 vers. 1 & 2

With great sorrow we announce the passing of the late:

Mrs. Mavis Juliana Lints (Lynch)

Sunrise: November 22, 1943
Sunset: August 14, 2018



Left to mourn her loss:

Children: Mary Lints and family
Roy Lints (Lord Cachete) in Holland
Edith Sophia and family in Curacao
Angelo Sophia and Shulaica Morales
and family in Curacao
Noraima Lints and family
Zoraida Lints and Chito de Cuba and
family
Sabio Lints and Shanella Garrido
and family
Like a daughter: Bojoura Richard
Grandchildren: Rosemarie
Rosa (Roosje) in Curacao
Miosotys Theodora in Curacao
Raniër Rosalina, Shureangelo
and Shuliviënna Sophia,
Deshanira Windster
in Curacao
Shandira Lints, Shandirow
and Jeannette Schmidt
Shannon, Shattienne,
Shandrienne Lints (Nuni)
Aquiles, Quillienhuly, Q-Vion
Lints, Qishaidee Lewis
Great-grandchildren: Zjedayelli Rosa, Ky-Shonne
Thomasa in Curacao
Nephew & Nieces, Cousins too numerous to mention
Godchildren and also like daughter: Olivia Murray and family in
St. Maarten and Margreth Marshall in Holland
Brother- and Sister in Laws in Curacao

She was related to: Lynch, Lints, Hassell, Sophia, Murray, Rosa,
Theodora, Schmidt, Thomasa, Inesia, Scott, Jones, Gordon,
Maxwell, Mershell, Collier Leverock, Rock, Illidge, Granger,
Kraaivanger, Martis, Ogando, Windster, Lewis, Morales,
Kibbelaar, Petronia, Woodley, Jamelis, Rijke, de Cuba, Garrido,
Richard, Alvares, Phillips, Croes, Maria

Special Friends: Trina Vrolijk, Filomena Krozendijk, Noki
Rodgers, Carmen Maduro, Bronthy Hook, Stanley and Rika
Illidge, Elvin Martha, Petra Kelly, Hillman, Arrindell family in
St. Maarten, Lady-Dj(Wintergarden), Ms. Winny in Holland,
Family Martineau

Neighbours: Lulu Rombley, family Petronia, Harold Heijliger,
family Ponson, family Bergen, family Raymond

Ex-Colleagues: DOOV- San Nicolas

Special thanks to her caretaker at SABA Dept. Totolica
We apologize if during our grief we forgot to mention any name
or family members

Please wear Joyful colors.

The family wishes no condolences after the funeral

Opportunity for condolences: Ad Patres Funeral Home Thursday
August 23rd, 2018 from 7:00 pm to 9:00 pm

The funeral will take place on Friday 24th of August at 4:00 pm
at St. Theresita Church and from there to the Catholic Burial
Ground in San Nicolas. The Body of Mrs. Mavis will be laid out
from 1:30 pm at the Church.

Staff and Management of Ad Patres funeral home extend
their most sincere condolences to the family.
Condolences can be sent through our e-mail address or website
adpatresnv@hotmail.com

Sargento Venezolano profugo ta pidi asilo na Corsou



Un sargento Venezolano profugo ta cera
den un di e baraknan di prizon di SDKK
na Corsou. Hunto cu un otro ambtenaar
Venezolano, el a pidi pa asilo.
Den un combersacion cu un periodista, e
sargento a bisa cu el a wordo trata masha

bruto door di polis, cu hasta a menas'e di
hib'e na e consulado Venezolano.
E organisacion di refugiado UNHCR y
Amnesty International a wordo poni na
altura.

Cuarto patras di un cas na Rooi Afo na candela, esaki ta e di 4 candela na cas den 2 dia!



Diasabra atardi a drenta
informe di cu tin un cas
na candela na Rooi Afo,
mesora a dirigi tanto polis
como bombero na e sitio.
Na yegada di e patruya a
ripara cu aki ta trata dibun
cuarto patras di e cas y cu ta
hopi pega cu e cas mes. Na
yegada di bombero mesora
a cuminsa cu combate y a
domina e candela.

Oracion di Dia

**Rumannan un feliz dia y cu Dios
yena boso cu su amor y paz.**

Tata di amor y bondad nos
ta gradici Bo cu den Bo
inmenso amor y bondad
Bo a lanta nos atrobe
for di nos soño y Bo ta
ofrece nos un dia mas
como regalo. Ki Grandi y
Maravioso Bo ta Señor.
Guia nos pasonan pa nos
por cana den e caminda
corecto. Cu nos curazon
por ta habri pa scucha
Bo mensahe di amor tur
momento. Protega nos
di tur tentacion cu tin
alrededor di nos. No laga
nos pega nos curazon na
cosnan material y cosnan
mundano. Bo ta bisa nos

awe den Bo Palabra cu
ken cu bandona su cas, su
mama, su tata, su yiunan
of su terenonan pa mi
motibo, lo haya shen bez
mas tanto cu esey y tambe
bida eterno. (Mat. 19, 23-
30) Kier min Señor Bo ta
pidi nos pa nos tin Dios
central den nos bida. Pa
nos laga tur loke nos tin
pegá na nos curazon un
banda pa nos scohe pa
e Reino di Dios, e Bida
eterno pasobra nos no por
sirbi Dios y placa pareeuw
Yuda nos lubida nos mes y
sacrifica pa e bienestar di
nos prohimo. Amen.

**PUEBLO A HAÑA SU
PEN BEK**


Pa kualkier informacion
solodipueblo@gmail.com
of
585-9500



Aruba Quality Deals Vehicle & Nautical

Call today for a road test. 569 4343


Ta garantiza durashon di motor, transmishon por scan e vehicle prome cumpre.



Honda Civic 2013

"BO KIER BENDE BO AUTO ? "Laga nos judabo

Jama 5694343. Sigura benta rapido.



Toyota Camry 2007. Riding kadilak kadilak y ta economico. Motor 4 cyl.

 Hyundai elantra 2008 Diesel std. good condition Call 5694343 for road test. 6500 fl.	 CAPTIVA 2009 REALLY GOOD CONDITION. CALL TODAY 5694343. 16500 fl.	 HAIMA 2015 18000 FL. NEGOTIABLE.	 Kia Armante 2005. 75000 km. Super bon condishon. Por financia. Jama awe mes na 5694343.	 FORD F 150 11800 FL. NEGOTIABLE.
 Pontiac 2009 full equipped 9500 FL. fl	 Captiva 2009 Full Equipped v6	 Ford Eco Sport 4 cyl 2005 airco. 5500 fl	 Chevrolet Camaro 2016 69000 fl negotiable	
 S10 pickup 2005 Gasoline std. 3500 fl.	 Hyundai Tucson 2013. 17500 fl. Standart. Negotiable	 ford explorer 2002. come road test today 5694343 for road test.	 Nissan sentra. 2006 Std. airco. riding in. good condition.	 Terrell 1983 Riding in really good condition 2000 fl. Call today 5694343 for road test.
 FORD FUSION 2013. GOOD AS NEW. CALL 5694343.	 ESCAPE 2011 18500 FL. NEGOTIABLE.	 LANCER 2003 CON AIRE.	 FORD EDGE 2007. 17000 FL	 HONDA ODYSSEY 2012. 40000 FL. OR BETTER OFFER.
 BUS H1 2005 DIESEL AIRCO 6800 FL	 Scion 2007. In highest performance. 13500 fl	 Santa fe. 2003. Airco autm. 4800 fl. Call for road test.	 Honda Accord 2007. Autm. 5500 FL negotiable. Airco Full equipped.	 2006. 9500 fl. Pugeau
 Toyota prado 2007 right hand drive 14500 FL.	 Peugeot 2010. airco. powerlocks. windows. 17500 fl negotiable.		 BMW 2006 v8 12500 FL	 Tucson 2013. 16800 fl Std good as new.
 Hyundai accent 2012 14000 fl		 CHEVROLET OPTRA 2006 5500 FL OPTRA AUTH. AIRCO	 Brommer. 2017 sigma 150 cc. 14500 fl. Negotiable.	 Minicooper 2009. Lhd 13500 fl
 Gmc pickup 2500 fl negotiable. Anja 2000	 HONDA CROSSTOUR 2013 IN LIKE NEW CONDITION 35000 FL	 2006 64 MIL KM 6800 FL. NEGOTIABLE. GARANTIA 2 ANJA. DVD SOUND	 DODGE RAM 2000. 7500 FL. V6/AIRCO/AUTOMATIC.	 FORD ESCAPE 2009. GOOD AS NEW. 17500 FL. 4YL. ECONOMIC.
 Suzuki Grand Vitara 7 seats. 6500 fl	 Sonata 2016 in like new condition.	 HONDA CR V 2014 37000 FL	 MONTERO 2008 23500 FL 4BY4 DIESEL GOOD GOOD	
 Opirus 2008 riding new for only 6500 fl. Bargain !	 Toyota Prado 2004. Full Equipped Airco. 4by4 diesel 12500 fl	 DODGE DURANGO V8 8500 FL.	 LINCOLN 2009 21000 FL VERY VERY GOOD CONDITION	 OUTLANDER 2011. 21500 FL OBO
			 PONTIAC 2009. 4500 FL AMERICAN AUTO	 JEEP WRANGLER 2009. STD. AIRCO.
			 ACCENT 2016. 26500 FL	